



SLUŽBENE NOVINE

OPĆINE MAGLAJ

BROJ

1/15

Maglaj, 23.3.2015.

„Službene novine Općine Maglaj“
izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača : JASMIN DEVEDŽIĆ
Tel.: 032/609-550; Fax: 032/609-551; E-mail: vijece@maglaj.ba

AKTI OPĆINSKOG VIJEĆA

Na osnovu člana 8. Zakona o izmjenama i dopunama Izbornog zakona Bosne i Hercegovine («Službeni glasnik Bosne i Hercegovine», broj: 20/04), a u vezi sa članom 2.12. stav 9. Izbornog zakona Bosne i Hercegovine («Službeni glasnik Bosne i Hercegovine», broj: 23/01, 7/02, 9/02, 20/02, 25/02 i 52/05, 11/06, 24/06, 32/07, 33/08 i 37/08) Odluke o visini naknade članovima Općinske izborne komisije («Službeni glasnik BiH», 37/10 i 41/10) i člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08), Općinsko vijeće Maglaj na sjednici održanoj dana 12.02. 2015. godine, donosi

ODLUKU

o visini naknade članovima Općinske izborne komisije

Član 1.

Ovom Odlukom utvrđuje se visina naknade članovima Općinske izborne komisije Maglaj za 2015.godinu .

Član 2.

Mjesečna naknada za predsjednika i članove Općinske izborne komisije utvrđuje se u iznosu od 100,00 KM mjesečno

Član 3.

Utvrđena sredstva iz ove Odluke obezbijedit će se u Budžetu Općine Maglaj, razdjel 10, glava 101, Ekonomski kod Izborna komisija.

Član 4.

Odluka se primjenjuje od 1.1. do 31.12.2015.godine.

Član 5.

Za realizaciju Odluke zadužuje se Općinski načelnik i Služba za privredu, finansije i razvoj poduzetništva.

Član 6.

Odluka stupa na snagu osam dana po objavljivanju u «Službenim novinama Općine Maglaj»

Broj: 02-05-1-394 /2015
Maglaj, 12.02. 2015.godine

PREDSJEDAVALAČI OV,
Marko Zelić

Na osnovu člana 18. Statuta Općine Maglaj („Službene novine Općine Maglaj“ broj: 8/07, 3/08 i 6/08), člana 60. i 63. Zakona o plaćama i naknadama u organima vlasti Federacije BiH („Službene novine Federacije BiH, broj: 45/10, i 111/12) i člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), Općinsko vijeće Maglaj, na 24. redovnoj sjednici održanoj dana 12.02.2015.godine, donijelo je

ODLUKU

o utvrđivanju platnih razreda i koeficijenata za plaće, dodataka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj

I ZAJEDNIČKE ODREDBE

Član 1.

Ovom Odlukom u skladu sa Zakonom o plaćama i naknadama u organima vlasti Federacije BiH („Službene novine Federacije BiH “ broj: 45/10 111/12) (u daljem tekstu Zakon), utvrđuju se platni razredi i koeficijenti za plaće u neto iznosu izabranih dužnosnika, nosioca izvršnih funkcija, savjetnika, pravobranioca, zamjenika pravobranioca, državnih službenika i namještenika Općine Maglaj, dodaci na plaće, naknada plaće i nadležnosti donošena je Odluka o plaćama, naknadama i drugim materijalnim pravima zaposlenika.

Član 2.

(Definicija pojmova korištenih u Odluci)

Pojmovi korišteni u ovoj Odluci:

1. „organ državne službe“ u smislu ove Odluke, predstavlja službe za upravu, stručne službe i Općine i Pravobranilaštvo,
2. „radno mjesto“ je pozicija je utvrđena aktom o unutrašnjoj organizaciji organa državne službe na koju se postavlja državni službenik i namještenik za vršenje poslova utvrđenih za to radno mjesto:
3. „platni razred“ predstavlja razvrstavanje radnih mjesta utvrđenih u aktu o unutrašnjoj organizaciji organa državne službe u određene pozicije radi određivanja iznosa osnovne plaće državnog službenika i namještenika:
4. „koeficijent“ predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede organa

državne službe i služi za utvrđivanje visine osnovne plaće;

5. „osnovica za obračun plaće“ predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće.

Član 3.

(Načela za utvrđivanje visine plaće i budžetsko osiguranje sredstava za plaću)

Pri određivanju iznosa plaće i naknade za zaposlene u Općine Maglaj poštivat će se načela utvrđena Zakonom o plaćama.

Financijska sredstva za plaće, naknade i druga primanja predsjedavajućeg Općinskog vijeća, Općinskog načelnika, Pravobranioca, Savjetnika Općinskog načelnika, državnih službenika i namještenika predviđena ovom Odlukom planiraju se i osiguravaju u Budžetu Općine Maglaj (u daljem tekstu: Budžet)

Član 4.

(Način utvrđivanja osnovice za obračun plaće)

U Općini se primjenjuje osnovica za obračun plaće utvrđena članom 5. Zakona.

Općinski načelnik u dogovoru sa Sindikatom utvrdit će osnovicu za obračun plaća u skladu sa Zakonom.

Nemože se utvrditi veća osnovica od osnovice utvrđene na federalnom nivou.

Član 5.

(Elementi utvrđivanja osnovne plaće)

Osnovna plaća se utvrđuje množenjem osnovice za plaću iz člana 4. ove Odluke sa utvrđenim koficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža Općinskog načelnika, Pravobranioca, savjetnika Općinskog načelnika, državnih službenika i namještenika, a najviše 20%. Osnovna plaća ne može biti manja od 70% prosječne neto plaće isplaćene u Federaciji BiH prema posljednjem objavljenom statističkom podatku Zavoda za statistiku.

U slučaju da množenje utvrđene osnovice i pripadajućeg koeficijenta osnovna plaća iznosi manje od 70% prosječne plaće, zaposleniku će se isplatiti plaća u navedenom postotku.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa Zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih je 40 sati sedmično.

II PLAĆE I NAKNADE OPĆINSKOG NAČELNIKA, PRAVOBRANIOCA, ZAMJENIKA PRAVOBRANIOCA I SAVJETNIKA

Član 6.

(Vrijeme ostvarivanja prava na plaću)

Općinski načelnik, Pravobranilac, Savjetnici Općinskog načelnika koji dužnost obavljaju profesionalno, imaju pravo na plaću.

Općinski načelnik, Pravobranilac i Savjetnici Općinskog načelnika ostvaruju pravo na plaću danom stupanja na dužnost, u skladu sa općim aktima Općinskog vijeća, odnosno aktom Općinskog načelnika (u daljem tekstu: nadležni organ).

Općinski načelnik, pravo na plaću iz stava 1. ovog člana ostvaruje danom potvrđivanja izbora, odnosno imenovanja u skladu sa Zakonom.

Savjetnici Općinskog načelnika, pravo na plaću iz stava 1. ovog člana, ostvaruje danom postavljenja na radno mjesto.

Član 7.

(Pravo vijećnika na ime povećanih materijalnih troškova u obavljanju svoje dužnosti)

Vijećnici imaju pravo na stalno mjesečno novčano primanje (paušal) na ime povećanih materijalnih troškova u obavljanju svoje dužnosti čiju visinu će utvrditi Općinsko vijeće posebnom odlukom.

Visinu paušala iz stava 1. ovog člana kao i naknada za rad u radnim tijelima Općinskog vijeća, utvrđuje se Odlukom Općinskog vijeća na prijedlog nadležne komisije Općinskog vijeća.

Pravo iz stava 1. ovog člana vijećnici mogu ostvariti samo po jednom osnovu, odnosno jednom nivou zakonodavne vlasti.

KOEFICIJENTI PLATNIH RAZREDA ZA OPĆINSKOG NAČELNIKA, PRAVOBRANIOCA, SAVJETNIKA OPĆINSKOG NAČELNIKA I NAKNADE PLAĆE

Član 8.

Općinski načelnik, Pravobranilac, i Savjetnici Općinskog načelnika, razvrstavaju se u tri (3) platna razreda i za svaki platni razred utvrđuju se koeficijenti za plaću u vrijednostima kako slijedi:

I	OPĆINSKI NAČELNIK	9,50
II	PRAVOBRANILAC	6,50
III	SAVJETNIK OPĆINSKOG NAČELNIKA	5,00

1. Naknade

Član 9.

(Naknade plaće zbog bolesti ili povrede)

Za prvih 42 dana odsutnosti sa posla zbog bolesti ili povrede, Općinski načelnik, Pravobranilac i Savjetnici Općinskog načelnika imaju pravo na naknadu plaće u visini plaće koju su ostvarili za prethodni mjesec.

Općinski načelnik, Pravobranilac i Savjetnici Općinskog načelnika imaju pravo na naknadu plaće u visini 70% plaće koju su ostvarili za prethodni mjesec prije odsutnosti s posla zbog bolesti ili povrede za odsutnost s posla duže od 42 dana, a najduže 12 mjeseci, odnosno do kraja mandata.

Općinski načelnik, Pravobranilac i Savjetnici općinskog načelnika imaju pravo na naknadu plaće u punom iznosu koju su ostvarili za prethodni mjesec, ako je do odsutnosti s posla došlo iz razloga povrede na radu.

Član 10.

(Naknada za troškove ishrane-topli obrok)

Općinski načelnik, Pravobranilac i Savjetnici općinskog načelnika imaju pravo na naknadu troškova ishrane (topli obrok) u visini od 1% prosječne mjesečne neto plaće u Federaciji BiH prema posljednjem objavljenom statističkom podatku.

Naknada iz stava 1. ovog člana neće se obračunavati za vrijeme odsutnosti s posla po osnovu službenog puta, bolovanja ili godišnjeg odmora.

Član 11.

(Naknada plaće za vrijeme korištenja godišnjeg odmora)

Općinski načelnik, Pravobranilac i Savjetnici općinskog načelnika, imaju pravo na naknadu za vrijeme godišnjeg odmora (regres) u visini 50% prosječne neto plaće isplaćene u Federaciji BiH po zadnjem objavljenom statističkom podatku Zavoda za statistiku i naknadu za plaćeni dopust u trajanju od 30 dana u visini svoje neto plaće iz prethodnog mjeseca.

Član 12.

(Naknada za slučaj smrti, teške bolesti i invalidnosti)

Naknada za slučaj smrti, teške invalidnosti ili bolesti, Općinski načelnik, Pravobranilac i Savjetnici općinskog načelnika ostvaruju na način i pod uvjetima utvrđenim za državne službenike i namještenike.

Član 13. (Otpremnina)

Općinski načelnik, Pravobranilac i Savjetnici općinskog načelnika imaju pravo na isplatu otpremnine prilikom odlaska u penziju u iznosu od pet njihovih prosječnih plaća isplaćenih u prethodnih pet mjeseci.

Član 14.

(Naknada troškova za službeno putovanje)

Općinski načelnik, Pravobranilac i Savjetnici Općinskog načelnika upućeni na službeno putovanje imaju pravo na naknadu troškova dnevnica, noćenja, prijevoza i ostalih zadataka nastalih u vezi sa službenim putovanjem.

Službenim putovanjem u smislu ovog člana, smatra se obavljanje poslova izvan sjedišta Općine Maglaj.

Visina dnevnica i drugih troškova službenog putovanja i način njihovog obračuna uređuje se aktom Općinskog načelnika.

III PLAĆE I NAKANDE DRŽAVNIH SLUŽBENIKA I NAMJEŠTENIKA

1. Obračun i isplata plaće

Član 15.

(Način obračuna i isplate plaće)

Plaća se obračunava za jedan mjesec unatrag, a isplaćuje se za prethodni mjesec u skladu sa Zakonom o radu i Odlukom o izvršenju Budžeta Općine Maglaj.

Plaća iz stava 1. ovog člana utvrđuje se rješenjem koje donosi Općinski načelnik. Rješenje sadrži lične podatke državnog službenika i namještenika, radno mjesto na koje je postavlja, platni razred i sve elemente koji su uzeti u obzir za utvrđivanje visine plaće.

Elementi za utvrđivanje osnovne plaće i platna osnovica za obračun plaće i koeficijenti radnog mjesta državnih službenika i namještenika su javni.

Pojedinačne isplate plaća zaposlenika nisu javne. Sve izmjene u visini plaće vrše se rješenjem kojeg donosi Općinski načelnik.

KOEFICIJENTI PLATNIH RAZREDA ZA DRŽAVNE SLUŽBENIKE I NAMJEŠTENIKE

Član 16.

Državni službenici u Općini Maglaj kao jedinici lokalne samouprave razvrstavaju se u osam (8) platnih razreda i za svaki platni razred utvrđuju se koeficijenti za plaće u vrijednostima, kao slijedi:

I	Sekretar općinskog organa državne službe i Sekretar Općinskog vijeća	6,50
II	Pomoćnik Općinskog načelnika	5,70
III	Interni revizor	5,20
IV	Šef Odsjeka (VSS)	4,50
V	Inspektor	4,30
VI	Stručni savjetnik	4,10
VII	Viši stručni saradnik	3,90
VIII	Stručni saradnik	3,70

Član 17.

Namještenici u Općini Maglaj kao jedinici lokalne samouprave razvrstavaju se u šest (6) platnih razreda i za svaki platni razred utvrđuju se koeficijenti za plaću u vrijednosti, kako slijedi:

I	Viši samostalni referent (VŠS)	3,10
II	Samostalni referent (VŠS)	3,00
III	Šef unutrašnje organizacione jedinice (SSS)	2,80
IV	Viši referent (SSS) ili VKV radnik	2,70
V	Referent (SSS) ili KV radnik III ili IV stepen	2,60
VI	Pomoćni radnik i nekvalifikovani radnik (NK radnik)	1,85

2. Dodaci na plaću i naknade plaće

Član 18.

(Vrsta dodatka na plaću)

Državni službenik i namještenik ima pravo na dodatke na plaću po osnovu posebnog ovlaštenja i posebnih uslova rada koji su utvrđeni Zakonom i Kolektivnim ugovorom.

Dodaci na plaću iz stava 1. ovog člana čine sastavni dio osnovne plaće.

Poseban dodatak iz stava 1. ovog člana obračunava se na odnosu plaće bez dijela plaće po osnovu radnog staža i čini sastavni dio plaće.

Visina dodatka na plaću iz stava 1. ovog člana utvrđuje se u Pravilniku o plaćama i naknadama državnih službenika i namještenika organa državne službe, u skladu sa kriterijima utvrđenim Kolektivnim ugovorom.

Član 19.

(Vrsta naknade)

Državni službenik i namještenik ima pravo na naknadu plaće utvrđene Zakonom i Kolektivnim ugovorom.

Državni službenik i namještenik ima pravo na naknadu plaće utvrđene u odredbama člana 21. do 34. ove Odluke.

Izuzetno, Općinski načelnik može državnog službenika i namještenika stimulirati u visini do 20% njegove osnovne plaće za postignute natprosječne rezultate u obavljanju poslova svog radnog mjesta.

Član 20.

(Naknada za prekovremeni rad, rad u neradne dane, noćni rad i rad u dane državnih praznika)

U Slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plaće, razmjerno vremenu trajanja tog rada, uvećanom za postotak utvrđen Kolektivnim ugovorom.

Visina naknade i uslovi ostvarivanja naknade utvrdit će se aktom Općinskog načelnika u skladu sa Kolektivnim ugovorom.

Obračun naknade iz stava 1. ovog člana vrši se od osnovne plaće bez dijela plaće po osnovu penzijskog staža. Naknada iz ovog člana čini sastavni dio plaće.

Član 21.

(Naknada plaće u vrijeme korištenja godišnjeg odmora)

Državni službenik i namještenik ima pravo na naknadu u visini svoje neto plaće iz prethodnog mjeseca za vrijeme korištenja godišnjeg odmora.

Član 22.

(Plaćeni dopust)

Državni službenik i namještenik ima pravo na plaćeni dopust u dužini do 30 dana i na naknadu u visini svoje neto plaće iz prethodnog mjeseca u skladu sa Kolektivnim ugovorom i Pravilnikom.

Član 23.

(Naknada za troškove ishrane tokom rada-topli obrok)

Državni službenik i namještenik ima pravo na novčanu naknadu za ishranu u toku rada (topli obrok) u visini 1% prosječne neto plaće isplaćene u Federaciji BiH po zadnjem statističkom podatku Zavoda za statistiku.

Član 24.

(Regres za godišnji odmor)

Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plaće isplaćene

u Federaciji BiH po zadnjem objavljenom statističkom podatku Zavoda za statistiku. Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

Član 25.
(Naknada za bolovanje)

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec. Naknada plaće za bolovanje preko 42 dana iz stava 1. ovog člana ostvaruje se po propisu Kantona kojim se uređuje naknada za ovo bolovanje, s tim da razliku do pune plaće isplaćuje općinski organ državne službe.

Član 26.
(Naknada za porodiljski dopust)

Državni službenik i namještenik za vrijeme porodiljskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje općinski organ državne službe.

Član 27.
(Naknada za službeno putovanje)

Državni službenici i namještenici imaju pravo na naknadu za troškove službenog putovanja na području Federacije, odnosno Bosne i Hercegovine, kao i za putovanja u inostranstvo, na koje se upućuje na izvršenje službenog zadatka. Visinu i način ostvarivanja naknade iz stava 1. ovog člana utvrđuje općinski načelnik u skadu sa Kolektivnim ugovorom.

Član 28.
(Naknada za prijevoz na posao i s posla)

Državnom službeniku i namješteniku kome nije organizovan službeni prijevoz na posao i s posla, a čije je mjesto stanovanja od mjesta rada udaljeno najmanje 2 km, pripada naknada za troškove prijevoza u visini mjesečne karte gradskog, prigradskog i međugradskog saobraćaja. U međugradski saobraćaj spadaju mjesta koja su udaljena od mjesta rada do 70 km.

Član 29.
(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika ili

člana njegove uže porodice isplaćuje se jednokratna novčana pomoć u visini od dvije prosječne neto plaće isplaćene u Federaciji BiH prema zadnjem objavljenom statističkom podatku Zavoda za statistiku.

Član 30.
(Naknada za slučaj smrti)

U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od tri prosječne neto plaće isplaćene u Federaciji prema zadnjem objavljenom statističkom podatku Zavodu za statistiku, a u slučaju smrti užeg člana porodičnog domaćinstva državnog službenika, odnosno namještenika, isplaćuju mu se troškovi sahrane u visini od dvije prosječne neto plaće isplaćene u Federaciji prema zadnjem objavljenom statističkom podatku Zavoda za statistiku.

Članom uže porodice državnog službenika ili namještenika, u smislu stava 1. ovog člana smatraju se bračni i vanbračni drug ako žive u istom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina, odnosno do 26 godina starosti ako se nalaze na redovnom školovanju i nisu u radnom odnosu, i djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji) ako žive u zajedničkom domaćinstvu, braća i sestre bez roditelja do 18, odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Ukoliko u organu državne službe istog nivoa vlasti rade dva ili više članova porodice, troškovi sahrane iz stava 1. ovog člana se isplaćuju samo jednom zaposlenom članu porodice.

Član 31.
(Pravo na osiguranje od posljedica nesretnog slučaja)

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe. Visina osiguranja po ovoj osnovi određuje se prema polici osiguranja od posljedica nesretnog slučaja, odnosno polici osiguranja od prirodne smrti.

Ugovor o osiguranju sa odgovarajućom osiguravajućom kućom zaključuje Općinski načelnik za sve državne službenike i namještenike zaposlene u tom organu u skladu sa Kolektivnim ugovorom.

Član 32.
(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 33.
(Naknada u slučaju prekobrojnosti)

U slučaju prestanka radnog odnosa državnog službenika, odnosno namještenika zbog prekobrojnosti, državni službenik odnosno namještenik ima pravo na naknadu u iznosu i to:

1. Za radni staž do 10 godina, naknada iznosi tri neto plaće državnog službenika, odnosno namještenika,
2. Za radni staž od 11 do 30 godina, naknada iznosi šest neto plaća državnog službenika, odnosno namještenika,
3. Za radni staž preko 30 godina, naknada iznosi deset neto plaća državnog službenika, odnosno namještenika.

Član 34.
(Naknada za rad u komisijama)

Članovi komisija koje se formiraju na osnovu rješenja Općinskog načelnika, a čije osnivanje je predviđeno Zakonom, imaju pravo na maksimalnu mjesečnu naknadu za rad u komisijama do visine jedne i pol (1,5) osnovice iz člana 4. ove Odluke.

Tačan iznos, odnosno visinu naknade za rad svojim aktom utvrđuje Općinski načelnik za svaku pojedinačnu komisiju.

Naknade za rad u komisijama iz stava 1. Ovog člana, a koje se finansiraju od uplata fizičkih lica ili pravnih osoba ne ulaze u ograničenje iz stava 1. ovog člana.

Član 35.
(Propis o uvjetima i postupku ostvarivanja naknada)

Postupak ostvarivanja prava na naknade i visinu tih naknada, u skladu sa ovom Odlukom, utvrđuje Općinski načelnik na osnovu konsultacija sa Sindikatom.

IV. PLAĆE ZA PRIPRAVNIKE I NAKNADE ZA VOLONTERE

Član 36.
(Visina plaće za pripravnike)

Plaća pripravnika visoke, više i srednje stručne spreme u organu državne službe utvrđuje se u iznosu i to:

1. Za visoku školsku spremu u iznosu od 80 % od početne osnovne plaće utvrđene za radno mjesto stručnog saradnika;
2. Za višu školsku spremu u iznosu od 80 % od početne plaće utvrđene za radno mjesto samostalnog referenta;
3. Za srednju stručnu spremu u iznosu od 80 % od početne osnovne plaće utvrđene za radno mjesto referenta.

Početna osnovna plaća iz stava 1. Ovog člana predstavlja samo iznos plaće bez dijela plaće po osnovu penzijskog staža.

Član 37.
(Visina naknade za volontere)

Volonteri visoke, više i srednje stručne spreme u organu državne službe imaju pravo na naknadu, i to:

1. za visoku školsku spremu u iznosu od 35 % od osnovne plaće stručnog saradnika;
2. za višu školsku spremu u iznosu od 35 % od osnovne plaće samostalnog referenta
3. za srednju stručnu spremu u iznosu od 35 % od osnovne plaće referenta.

Visina naknade iz stava 1. Ovog člana određuje se od osnovne plaće odgovarajuće školske spreme.

V. PRELAZNE I ZAVRŠNE ODREDBE

Član 38.

U skladu sa ovom Odlukom, zakonskim i drugim propisima, Općinski načelnik će donijeti Pravilnik o plaćama, naknadama i drugim primanima zaposlenika, kojim će utvrditi koeficijente za plaće pojedinačno za radno mjesto, te načine ostvarivanja individualnih prava.

Pravilnik iz stava 1. Ovog člana donijet će se u roku 30 dana stupanja na snagu ove Odluke.

Član 39.

Za sva pitanja iz oblasti plaća i naknada koja nisu regulisana ovom Odlukom, neposredno će se primjenjivati odredbe Zakona i Kolektivnog ugovora.

Član 40.

Danom stupanja na snagu ove odluke prestaju da važe općinske odluke koje se odnose na utvrđivanje platnih razreda i koeficijenata za plaće, naknada plaća i dodataka na plaće izabranih dužnosnika, nosioca izvršnih funkcija i savjetnika, te državnih službenika i namještenika Općine Maglaj i to:

- Odluka o utvrđivanju platnih razreda i koeficijenata za plaće rukovodećih i ostalih državnih službenika i namještenika u službama za upravu Općine Maglaj broj: 02-05-1-203/07

- od 08. 02. 2007.godine („Službene novine Općine Maglaj“, broj:1/07),
- Odluka o utvrđivanju koeficijenta za plaću Općinskog načelnika Općine Maglaj broj: 02-05-1-183/07 od 08. 02. 2007.godine („Službene novine Općine Maglaj“, broj: 1/07),
 - Odluka o definisanju koeficijenata za plaće rukovodećih državnih službenika iz člana 2. I. platni razred i koeficijenata za plaće namještenika iz člana 4. III platni razred Odluke o utvrđivanju platnih razreda i koeficijenata za plaće rukovodećih i ostalih državnih službenika i namještenika organa državne službe Općine Maglaj broj: 01-49-577/07 od 09. 04. 2007.godine,
 - Odluka o utvrđivanju polazne osnovice za obračun plaća i usklađivanje koeficijenata za obračun plaće državnih službenika i namještenika zaposlenih u Jedinostvenom organu uprave Općine Maglaj broj: 02-05-1-2136/08 od 30. 12.2008.godine,
 - Odluka o izmjeni Odluke o definisanju koeficijenata za plaće rukovodećih državnih službenika iz člana 2. I. platni razred i koeficijenata za plaće namještenika iz člana 4. III. platni razred Odluke o utvrđivanju platnih razreda i koeficijenata za plaće rukovodećih i ostalih državnih službenika i namještenika organa državne službe Općine Maglaj broj: 01-49-1092/09 od 22. 06. 2009.godine i
 - Zaključak 8.3. b) Donosi se odluka o izmjeni i dopuni Odluke o utvrđivanju polazne osnovice za obračun plaća broj: 02-05-1-134- 1/10 od 04. 02. 2010.godine.

Član 41.

Ova Odluka stupa na snagu narednog dana od dana objavljivanja na Oglasnoj ploči Općine Maglaj, a naknadno će se objaviti u „Službenim novinama Općine Maglaj“.

Broj: 02-05-1-395/15
Maglaj, 12.02.2015. godine

PREDSJEDAVAJUĆI OV,
Marko Zelić

Na osnovu Uredbe o kriterijima za dodjelu sredstava za otklanjanje posljedica prirodnih nesreća i obnovu područja zahvaćenih prirodnom nesrećom broj 1446/2014 godine, (“ Službene novine FBiH broj 66/14 od 15.08.2014. godine) i Odluke o utvrđivanju kriterija dodjele i usmjeravanja sredstava nastradalim područjima broj 01-14-9/14 od 04.09.2014.godine , i Odluke o dodjeli sredstava općinama Zeničko-Dobojskog kantona za pomoć u izgradnji objekata za potrebe porodica čiji su

stambeni objekti uništeni uslijed prirodne nesreće broj 02-14-19400/14 od 02.10.2014. godine i ukazane potrebe, Općinsko vijeće , d o n o s i

ODLUKU

o kriterijima za dodjelu sredstava porodicama čiji su stambeni objekti uništeni uslijed prirodne nesreće- klizišta

Član I

Ovom Odlukom utvrđuju se uslovi i kriteriji za dodjelu sredstava porodicama čiji su stambeni objekti uništeni uslijed prirodne nesreće- klizišta, a koja će biti dodjeljena Općini Maglaj od strane institucija države i donatora.

Član II

Ovu Odluku primjenjivat će Općina Maglaj, nadležni općinski organ (Komisija za provođenje postupka dodjele sredstava porodicama čiji su stambeni objekti uništeni uslijed prirodne nesreće-klizišta) na osnovu koje će sačiniti listu prioriteta za dodjelu navedenih sredstava, a nakon provenog Javnog poziva za dodjelu novčanih sredstava broj 01-49-1990/14 od 30.10.2014. godine.

Član III

Za dodjelu sredstava porodicama čiji su stambeni objekti uništeni uslijed prirodne nesreće - klizišta podnosioci zahtjeva moraju ispunjavati opće uslove iz Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom broj 1446/14 koju je usvojila Vlada FBiH a to su:

- Da je državljanin Bosne i Hercegovine,
- Da je u vrijeme prirodne nesreće proglašene Odlukom o proglašenju stanja prirodne nesreće na području FBiH uzrokovane obilnim kišanim padavinama koje su prouzrokovale poplave na području FBiH (“Sl.Novine FBiH broj 37/14)imao imovinu na teritoriji Općine Maglaj, odnosno bio vlasnik stambene jedinice zahvaćene prirodnom nesrećom - klizištem,
- Da mu je Odlukom nadležne Komisije utvrđen nastanak štete na stambenoj zgradi i da je šteta prouzrokovana prirodnom nesrom iz tačke 2.

Opći uslovi se ne boduju ali moraju biti kumulativno ispunjeni.

Član IV

Komisija će bodovati lične prilike podnosioca zahtjeva na slijedeći način:

Član VII

Korisnici

- ko ima vlastito zemljište -gradnja kuće od donatora ili iz sredstava državnih institucija, boduje se sa 80 bodova,
- ukoliko neko izrazi želju da uzme novac za kupovinu kuće, a radi se o donatorskim sredstvima ili sredstvima državnih institucija ili o udruženim sredstvima donatora i države, (u slučaju da to države ninstitucije i donatori prihvate u skaldu sa svojim kriterijima),60 bodova
- ko želi kupiti zemljište općina plaća ili sufinansira kupovinu do 4.000,00 KM, pod uslovom da su za to obezbjeđena sredstva od donatara ili državnih institucija (**za alineju 1. i 3. potrebno je da zemljište bude građevinsko**), 40 bodova

Dodatni kriteri je

- broj članova domaćinstva, (2 člana domaćinstva 5 bodova, 3 člana domaćinstva 10 bodova od 3 do 5 članova domaćinstva 15 bodova preko 5 članova domaćinstva 20 bodova
- prioritet imaju vlasnici objekata koji su posjedovali samo jednu stambenu jedinicu, u odnosu na vlasnike stambenih objekata čija stambena jedinica je uništena prirodnom nesrećom klizištem, a koji posjeduju više od jedne stambene jedinice u zemlji i inostranstvu.

Priključak električne energije se prenosi sa starog stambenog .

Pitanje prilaza stambenom objektu, kao i priključak na vodovonu i kanizacionu mrežu rješava sam korisnik donacije.

Član V

Pravo na dodjelu sredstava ne može ostvariti više od jedne osobe iz pripadajućeg domaćinstva.

Ako zgrada ima više suvlasnika i više domaćinstva pravo na pomoć po ovom Konkursu mogu ostaviti suvlasnici koji dokažu da su u vrijeme prirodne nesreće stanovali u uništenoj ili oštećenoj stambenoj zgradi (izjava suvlasnika ovjerena kod Notara, odnosno pravo na naknadu za samo jednu stambenu jedinicu, bez obzira na broj suvlasnika.

Član VI

Nakon izbora korisnika sredstava po ovoj Odluci direktor Fonda i Načelnik općine i korisnici sredstava i eventualno donator sredstava (kada se radi o donatorskim sredstvima) potpisat će ugovor o utrošku sredstava dobijenih za sanaciju i izgradnju stambenih objekata izabranih korisnika.

Ova Odluka stupa na snagu danom donošenja.

Broj: 02-05-1-441/15

Datum: 12.02.2015. godine

PREDSJEDAVAJUĆI OV,
Marko Zelić

Na osnovu člana 18. alineja 19. Statuta Općine Maglaj ("Službene novine Općine Maglaj", broj: 8/07, 3/08 i 6/08), a u vezi sa članom 66. Zakona o građevinskom zemljištu ("Službene novine Federacije BiH", broj: 25/03 i 16/04), Općinsko vijeće općine Maglaj na sjednici održanoj dana 12.02.2015.godine d o n o s i :

ODLUKU

o prosječnoj konačnoj građevinskoj cijeni 1m2 korisne stambene površine na području općine Maglaj

Član 1.

Visina prosječne konačne građevinske cijene 1 m2 korisne stambene površine na području općine Maglaj iznosi 700,00 KM.

Član 2.

Ovom Odlukom utvrđena cijena će se koristiti kao osnovica za izračunavanje naknade po osnovu prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta a koje nisu rezultat ulaganja sredstava vlasnika ili korisnika nekretnine – r e n t a, gdje se kao osnovica uzima vrijednost iz člana 1. ove Odluke.

Član 3.

Stupanjem na snagu ove Odluke prestaje važiti Odluka o prosječnoj konačnoj građevinskoj cijeni 1 m2 korisne stambene površine na području općine Maglaj ("Službene novine Općine Maglaj", broj:1/14).

Član 4.

Ova Odluka stupa na snagu narednog dana od dana objavljivanja u "Službenim novinama Općine Maglaj".

Broj: 02-05-1-410/15

Datum: 12.02.2015.godine

PREDSJEDAVAJUĆI OV,
Marko Zelić

Na temelju člana 108. Statuta Općine Maglaj («Službene novine Općine Maglaj», broj: 8/07, 3/08 i 6/08) i člana 164. Poslovnika radu Općinskog vijeća («Službene novine Općine Maglaj», broj: 2709) Općinsko vijeće Maglaj na prijedlog Općinskog načelnika, na sjednici održanoj dana 12. 02. 2015. godine, donijelo je

**ODLUKU
o bratimljenju općine Altieylül u okrugu
Balikesir u Republici Turskoj i općine Maglaj**

Član 1.

U svrhu uspostavljanja i unapređenja prijateljskih odnosa društvenog i privrednog života i saradnje na svim područjima pristupa se bratimljenju općine Altieylül u okrugu Balikesir u Republici Turskoj i općine Maglaj.

Član 2.

Bratimljenje iz člana 1. temeljem ove odluke i odgovarajuće Odluke ovlaštenog organa tijela opštine Altieylül u okrugu Balikesir ozvaničit će se potpisivanjem Sporazuma o bratimljenju koja će činiti sastavni dio ove Odluke.

Član 3.

Ovlašćuje se Općinski načelnik općine Maglaj, da u ime općine Maglaj može potpisati Sporazum iz člana 2. ove Odluke.

Član 4.

Ova Odluka stupa na snagu danom donošenja i objavit će se u «Službenim novinama Općine Maglaj».

Broj: 02-05-1-396 /15
Maglaj, 12.02. 2015.godine

**PREDSJEDAVALAČI OV,
Marko Zelić**

Na osnovu člana 79-83. Statuta Općine Maglaj («Službene novine Općine Maglaj», broj: 8/07, 3/08 i 6/08), člana 88. Poslovnika o radu Općinskog vijeća Maglaj («Službene novine Općine Maglaj», broj: 2/09 i 1/13) Općinsko vijeće Maglaj na sjednici održanoj dana 12.02. 2015.godine, donosi

**ODLUKU
o raspisivanju referenduma za područje Mjesne
zajednice Novi Šeher**

Član 1.

Općinsko vijeće donosi Odluku o raspisivanju referenduma za područje Mjesne zajednice Novi Šeher radi izdvajanja naseljenog mjesta Mladoševica iz sastava MZ Novi Šeher i formiranja nove mjesne zajednice Mladoševica .

Član 2.

Utvrđuje se termin odnosno dan održavanja referenduma i to 4.04.2015. godine (subota)

Član 3.

Referendum se raspisuje za cijelo područje Mjesne zajednice Novi Šeher i to za područje naseljenog mjesta Mladoševica i naseljenog mjesta Novi Šeher

Član 4.

Određuju se dva glasačka mjesta za provođenje referenduma i to :

Jedno glasačko mjesto za naseljeno mjesto Novi Šeher u Novom Šeheru i Jedno glasačko mjesto za naseljeno mjesto Mladoševica u Mladoševici

Član 5.

Općinsko vijeće određuje Službu za boračko-invalidsku socijalnu zaštitu opću upravu i društvene djelatnosti - Jedinstvenog organa uprave Općine Maglaj kao resornu Službu nadležnu za mjesne zajednice, za svu provedbenu proceduru, tok referenduma kao i druge poslove vezane za postupak izjašnjavanja građana putem referendum.

Član 6.

Referendumsko pitanje glasi:“ Da li ste za izdvajanje naseljenog mjesta Mladoševica iz sastava Mjesne zajednice Novi Šeher i formiranje nove Mjesne zajednice Mladoševica ?“

Građani putem ovog referenduma će se očitovati sa : „ZA“ ili „PROTIV“.

Član 7.

Odluka stupa na snagu danom donošenja i ima se objaviti u „Službenim novinama Općine Maglaj“ kao i na drugi prigodan način i to na :

- Oglasnoj tabli općine Maglaj
- Na Oglasnoj tabli MZ Novi Šeher
- Na oglasnim tablama u naseljenim mjestima Novi Šeher i Mladoševica.
- te na Web stanici Općine Maglaj

Broj: 02-05-1-397/15
Datum: 12.02.2015. godine

**PREDSJEDAVALAČI OV,
Marko Zelić**

Na osnovu člana 82. Statuta Općine Maglaj («Službene novine Općine Maglaj», broj; 8/07, 3/08 i 6/08), te člana 101. stav 1. i člana 105. Poslovnika o radu Općinskog vijeća Maglaj («Službene novine Općine Maglaj», broj; 2/09 i 1/13) Općinsko vijeće Maglaj na sjednici održanoj dana 12.02. 2015. godine, donosi

RJEŠENJE
o imenovanju Komisije za provođenje referenduma u MZ Novi Šeher i utvrđivanju naknade za rad u postupku izdvajanja Naseljenog mjesta Mladoševica iz sastava MZ Novi Šeher

Član 1.

Imenuje se Komisija za provođenje referenduma o izdvajanju Naseljenog mjesta Mladoševica iz sastava Mjesne zajednice Novi Šeher, kako slijedi i to:

1. mr.sci. Azra Čakrama – predsjednik Komisije, Rukovodilac Službe
2. Enes Sejmenović- član Komisije, sekretar Mjesnih zajednica sjever Općine Maglaj
3. Mirsad Bežić –član Komisije, sekretar Mjesnih zajednica jug Općine Maglaj
4. Biserniza Gračić- član Komisije, zaposlenik resorne službe za izbjegla i raseljena lica
5. Anto Maglica –član Komisije zaposlenik službe za izbjegla i raseljena lica
6. Nasiha Bočić -član Komisije zaposlenik službe
7. Nenad Kršić- član Komisije zaposlenik službe

Član 2.

Zadatak Komisije iz člana 1. ovog rješenja je da provede referendum u MZ Novi Šeher zakazan za dan **04.04.2015. godine (subota)** na načina da:

- odredi dva glasačka mjesta
- imenuje odbore najkasnije u roku od 8 dana prije održavanja referenduma
- odredi vrijeme glasovanja (od 7 sati ujutro do 19 sati navečer)
- obavi sve tehničke pripreme i provedbenu proceduru
- brine o zakonitosti provedbe referenduma
- utvrđuje i proglašava rezultate
- sačinjava zapisnik
- postupa po svim analozima predsjednika komisije
- sačinjava izvještaj prema Općinskom vijeću Općine Maglaj
- obavlja i sve druge poslove utvrđene zakonom

Član 3.

Komisiji iz člana 1. ovog rješenja utvrđuje se neto naknada za isplatu na ruke u visini kako slijedi:

Redni broj	Ime i prezime	Visina neto naknade	JMB Naknadni upis podatka	Broj računa Naknadni upis podatka
1.	Azra Čakrama	150,00 KM		
2.	Enes Sejmenović	100,00 KM		
3.	Mirsad Bežić	100,00 KM		
4.	Biserniza Gračić	100,00 KM		
5.	Anto Maglica	100,00 KM		
6.	Nasiha Bočić	100,00 KM		
7.	Nenad Kršić	100,00 KM		

Član 4.

Sredstva sa pripadajućim porezom i doprinosom iz člana 3. ovog rješenja teretit će Budžet općine Maglaj za 2014. godinu, razdjel 11, organizacioni kod 111 ekonomski kod 613 974, 613 983,613 986 613 987 i 613 988

Član 5.

Za realizaciju ovog rješenja zadužuje se Služba za privredu finansije i razvoj poduzetništva u roku od 7 dana po okončanju procedure provođenja referenduma .

Član 6.

Rješenje stupa na snagu danom donošenja i ima se objaviti u „Službenim novinama Općine Maglaj „,

Broj: 02-05-1-400/15
Datum: 12.02.2015. godine

**PREDSJEDAVALAČI OV,
Marko Zelić**

Na osnovu člana 79-83. Statuta Općine Maglaj («Službene novine Općine Maglaj», broj; 8/07, 3/08 i 6/08), člana 88. Poslovnika o radu Općinskog vijeća Maglaj («Službene novine Općine Maglaj», broj; 2/09 i 1/13) Općinsko vijeće Maglaj na sjednici održanoj dana 12.02. 2015. godine, donosi

ODLUKU

o raspisivanju referenduma za područje Mjesne zajednice Maglaj Grad

Član 1.

Općinsko vijeće donosi Odluku o raspisivanju referenduma za područje Mjesne zajednice Maglaj Grad radi izdvajanja naseljenog mjesta Omerdino Polje iz sastava MZ Maglaj Grad i formiranja nove mjesne zajednice Omerdino Polje .

Član 2.

Utvrđuje se termin odnosno dan održavanja referenduma i to 18.04.2015. godine (subota)

Član 3.

Referendum se raspisuje za cijelo područje Mjesne zajednice Maglaj Grad i to za područje naseljenog mjesta Stari grad i naseljenog mjesta Omerdino Polje i naseljenog mjesta Maglaj Grad .

Član 4.

Određuju se tri glasačka mjesta za provođenje referenduma i to :

Jedno glasačko mjesto za naseljeno mjesto Omerdino Polje u Omerdinom Polju

Jedno glasačko mjesto za naseljeno mjesto Stari grad u Starom gradu

Jedno glasačko mjesto za naseljeno mjesto Maglaj Grad u Maglaj Gradu

Član 5.

Općinsko vijeće određuje Službu za boračko-invalidsku socijalnu zaštitu opću upravu i društvene djelatnosti - Jedinstvenog organa uprave Općine Maglaj kao resornu Službu nadležnu za mjesne zajednice, za svu provedbenu proceduru, tok referenduma kao i druge poslove vezane za postupak izjašnjavanja građana putem referendum.

Član 6.

Referendumsko pitanje glasi:“ Da li ste za izdvajanje naseljenog mjesta Omerdino polje iz sastava Mjesne zajednice Maglaj Grad i formiranje nove Mjesne zajednice Omerdino Polje?“

Građani putem ovog referenduma će se očitovati sa: „ZA“ ili „PROTIV“.

Član 7.

Odluka stupa na snagu danom donošenja i ima se objaviti u „Službenim novinama Općine Maglaj“ kao i na drugi prigodan način i to na :

- Oglasnoj tabli općine Maglaj

- Na Oglasnoj tabli MZ Maglaj Grad

- Na oglasnim tablama u naseljenim mjestima Omerdino Polje, Stari grad i Maglaj Grad

- te na Web stanici Općine Maglaj

Broj: 02-05-1-398/15

Datum: 12.02.2015. godine

PREDSJEDAVAJUĆI OV,
Marko Zelić

Na osnovu člana 82. Statuta Općine Maglaj («Službene novine Općine Maglaj», broj; 8/07, 3/08 i 6/08), te člana 101. stav 1.i člana 105. Poslovnika o radu Općinskog vijeća Maglaj («Službene novine Općine Maglaj», broj: 2/09 i 1/13) Općinsko vijeće Maglaj na sjednici održanoj dana 12.02.2015.godine, donosi :

RJEŠENJE

o imenovanju Komisije za provođenje referenduma u MZ Maglaj Grad i utvrđivanju naknade za rad u postupku izdvajanja Naseljenog mjesta Omerdino Polje iz sastava MZ Maglaj Grad

Član 1.

Imenuje se Komisija za provođenje referenduma o izdvajanju Naseljenog mjesta Omerdino Polje iz sastava Mjesne zajednice Maglaj Grad , kako slijedi i to:

8. mr.sci. Azra Čakrama – predsjednik Komisije , Rukovodilac Službe

9. Enes Sejmenović- član Komisije , sekretar Mjesnih zajednica sjever Općine Maglaj

10. Mirsad Bežić –član Komisije , sekretar Mjesnih zajednica jug Općine Maglaj

11. Biserniza Gračić- član Komisije , zaposlenik resorne službe za izbjegla i raseljena lica

12. Anto Maglica –član Komisije zaposlenik službe za izbjegla i raseljena lica

13. Nasiha Bočić -član Komisije zaposlenik službe

14. Nenad Kršić- član Komisije zaposlenik službe

Član 2.

Zadatak Komisije iz člana 1. ovog rješenja je da provede referendum u MZ Maglaj Grad zakazan za dan **18.04.2015. godine (subota)** na načina da:

- odredi tri glasačka mjesta

- imenuje odbore najkasnije u troku od 8 dana prije održavanja referenduma

- odredi vrijeme glasovanja (od 7 sati ujutro do 19 sati navečer)

- obavi sve tehničke pripreme i provedbenu proceduru

- brine o zakonitosti provedbe referenduma

- utvrđuje i proglašava rezultate

- sačinjava zapisnik

- postupuje po svim analozima predsjednika komisije

- sačinjava izvještaj prema Općinskom vijeću Općine Maglaj

- obavlja i sve druge poslove utvrđene zakonom

Član 3.

Komisiji iz ~~Marka Zelić~~ Marka Zelić ovog rješenja utvrđuje se neto naknada za isplatu na ruke u visini kako slijedi:

Red. broj	Ime i prezime	Visina neto naknade	JMB Naknadni upis podatka	Broj računa Naknadni upis podatka
1.	Azra Čakrama	200,00 KM		
2.	Enes Sejmenović	150,00 KM		
3.	Mirsad Bejić	150,00 KM		
4.	Biserniza Gračić	150,00 KM		
5.	Anto Maglica	150,00 KM		
6.	Nasiha Bočić	150,00 KM		
7.	Nenad Kršić	150,00 KM		

Član 4.

Sredstva sa pripadajućim porezom i doprinosom iz člana 3. ovog rješenja teretit će Budžet općine Maglaj za 2015. godinu, razdjel 11, organizacioni kod 111 ekonomski kod 613 974, 613 983,613 986 613 987 i 613 988

Član 5.

Za realizaciju ovog rješenja zadužuje se Služba za privredu finansije i razvoj poduzetništva u roku od 7 dana po okončanju procedure provođenja referenduma.

Član 6.

Rješenje stupa na snagu danom donošenja i ima se objaviti u „Službenim novinama Općine Maglaj,„

Broj: 02-05-1-399/15

Datum: 12.02.2015. godine

**PREDSJEDAVAJUĆI OV,
Marko Zelić**

Na temelju člana 2.12. Izbornog zakona Bosne i Hercegovine («Službeni glasnik BiH», broj; 7/02,9/02, 20/02, 25/02, 04/04, 20/04, 25/05,52/05, 11/06, 24/06, 32/07, 33/08 i 37/08) Odluke o broju članova Općinske izborne komisije, Izborne komisije Grada Banja Luke, Izborne komisije Grada Mostara i Izborne komisije Brčko Distrikta BiH, broj: 01-02-2-459/10 od 21.1.2010.godine, Općinsko vijeće Maglaj na sjednici održanoj dana 12.02.2015.godine, donosi

ODLUKU

o raspisivanju Javnog oglasa za popunu člana Općinske izborne komisije Maglaj

Član 1.

Donosi se Odluka o raspisivanju Javnog oglasa za popunu jednog člana Općinske izborne komisije Maglaj.

Član 2.

Na temelju ove Odluke i uputstva o utvrđivanju kvalifikacije broja i imenovanja članova općinske izborne komisije, Izborne komisije Grada Banja Luke, Izborne komisije Grada Mostara, Izborne komisije Brčko Distrikta BiH, broj; 01-02-2-458/10 od 21.1.2010.godine bit će raspisan Javni oglas za popunu člana Općinske izborne komisije Maglaj.

Član 3.

Za provođenje postupka po Javnom oglasu, zadužuje se Komisija za izbor i imenovanje Općinskog vijeća.

Član 4.

Ova Odluka stupa na snagu osmog dana po objavljivanju u «Službenim novinama Općine Maglaj».

Broj: 02-05-1-401 /15

Maglaj, 12.02. 2015.godine

**PREDSJEDAVAJUĆI OV,
Marko Zelić**

Na osnovu člana 18.Statuta općine Maglaj («Službene novine Općine Maglaj»br. 8/07, 3/08 i 6/08) i Zakona o prostornom uređenju i građenju ("Službene novine ZE-DO Kantona" broj 01/14), Općinsko vijeće Općine Maglaj, na sjednici održanoj dana 12.02. 2015 godine, d o n o s i

ODLUKU

o pristupanju izmjene Regulacionog plana "Misurići"

Član 1.

(Vrsta dokumenta)

Ovom Odlukom pristupa se izmjeni Regulacionog plana "Misurići"("Službene novine Općine Maglaj" broj 06/10).

Član 2

(Granice područja za koje se dokument mijenja)

Izmjena Regulacionog plana obuhvata zemljište označeno sa k.č.broj: 2450/5 koje se nalazi u okviru poslovno proizvodnog kompleksa "Primus" Maglaj u Misurićima., između magistralnog puta M-

17 i željezničke pruge u površini od 3273 m² i isto je u vlasništvu "Alu Wod Inženjering" d.o.o. Maglaj.

Izmjenom Regulacionog plana bi se u okviru opredjeljene građevinske parcele za postojeće poslovno proizvodne objekte (građ. parcela na planu parcelacije označena brojem 156) na zemljištu označenom sa k.č. broj. 2450/5 u skladu sa planiranim saobraćajnicama odredila nova građevinska parcela za izgradnju objekata - proizvodnih hala, za koje bi se lokacijska pozicija, broj i veličina odredili prema uslovima iz Zakona o cestama FIH i Zakona o Željeznicama FBIH.

Član 3 (Vremenski period)

Vremenski period za koji se radi izmjena Regulacionog plana je do važenja postojećeg planskog dokumenta prostornog uređenja (Regulacionog plana "Misurići").

Član 4 (Smjernice za izradu)

Nosilac pripreme plana osigurati će Nosiocu izrade svu potrebnu dokumentaciju značajnu za donošenje izmjena Regulacionog plana u skladu sa odredbama Zakona o prostornom uređenju i građenju.

Član 5. (Rok izrade)

Rok izrade izmjene Regulacionog plana bit će određen od strane Nosioca izrade izmjene Regulacionog plana.

Član 6. (Sadržaj i postupak izmjene planskog dokumenta)

Izmjene Regulacionog plana "Misurići" sadržavat će dokumentaciju predviđenu Zakonom o prostornom uređenju i građenju.

Postupak izmjene Regulacionog plana provodit će se u skladu sa članom 50. stav 2. navedenog Zakona.

Član 7. (Javna rasprava i javni uvid)

U skladu sa odredbama Zakona (čl.50.stav 1.) Nacrt izmjene Regulacionog plana stavlja se na javni uvid i javnu raspravu .

Dužina trajanja javne rasprave i javnog uvida izmjene Regulacionog plana , bit će određena u Odluci o usvajanju Nacrta izmjene Regulacionog plana.

Član 8. (Finansiranje)

Sredstva za izradu izmjene Regulacionog plana obezbjedit će zainteresovani investitor Privredno društvo «Alu Wod Inženjering» d.o.o. Maglaj u skladu sa članom 39. stav 2. Zakona o prostornom uređenju i građenju.

Član 9. (Nosilac pripreme)

Nosilac pripreme plana je Općinski Načelnik putem Službe za urbanizam geodetske i imovinsko pravne poslove.

Član 10. (Nosilac izrade)

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju, a dužan je planski dokument raditi u skladu sa odredbama navedenog člana 45 i člana 46,47,i 48.Zakona.

Član 11. (Stupanje na snagu)

Ova Odluka stupa na snagu narednog dana od dana objavljivanja u «Službenim novinama Općine Maglaj» a primjenjivat će se danom donošenja.

Broj: 02-05-1-402/15
Maglaj, 12.02.2015 godine

**PREDSJEDAVAJUĆI OV
Marko Zelić**

ZAKLJUČAK

Na osnovu člana 217. i 218. Zakona o upravnom postupku ("Službene novine FBiH" br. 2/98 i 48/99) , Općinskog vijeća Općine Maglaj na sjednici održanoj dana 12.02.2015. godine, do n o s i

1. U rješenju Općinskog vijeća Općine Maglaj broj:02-05-1-790/14 od 30.04.2014. godine ispravlja se graška nastala prilikom kucanja i to:

- u dijelu tačke 4. dispozitiva rješenja gdje u trećem redu poslije riječi "dio zemljišta u površini od" umjesto „158 m²" treba da stoji „168 m²“ ,
- u dijelu tačke 7. u tački b) dispozitiva rješenja gdje u drugom redu poslije riječi "i dio k.č. br.

1331/11 u površini od" umjesto „158 m2““ treba da stoji „168 m2“.

2. Ova ispravka ima pravni učinak od dana od koga ima pravni učinak navedeno rješenja koje se ispravlja.
3. Ovaj zaključak prilaže se izvorniku rješenja Općinskog vijeća Općine Maglaj broj:02-05-1-790/14 od 30.04.2014. godine i čini njegov sastavni dio.
4. Zaključak se ima objaviti u „Službenim novinama Općine Maglaj“.

O b r a z l o ž e n j e

Prilikom izrade rješenja Općinskog vijeća Općine Maglaj broj:02-05-1-790/14 od 30.04.2014. godine potkrala se greška nastala prilikom kucanja , što je naknadno utvrđeno, uvidom u zapisnik o izjavi stručnog lica za geodeziju broj: 05-31-6-534/14 od 08.04.2014. godine te navode u obrazloženju rješenja.

Članom 217. Zakona o upravnom postupku propisano je da organ koji je donio rješenje , odnosno službena osoba koja je potpisala ili izdala rješenje , može u svako vrijeme da ispravi greške u imenima ili brojevima, pisanju ili računanju, kao i druge očigledne netačnosti u rješenju ili njegovim ovjerenim prepisima, da ispravka greške proizvodi pravni učinak od dana od koga proizvodi pravni učinak rješenje koje se ispravlja, te da o ispravci se donosi poseban zaključak koji se prilaže izvorniku rješenja i čini njegov sastavni dio.

Na osnovu izloženog, obzirom da je utvrđeno da se radi o očiglednoj greški koja je nastala prilikom kucanja rješenja , odlučeno je kao u dispozitivu ovog Zaključka.

Protiv ovog zaključka se ne može izjaviti žalba, ali se u roku od 30 /trideset/ dana od dana prijema istog može pokrenuti upravni spor kod Kantonalnog suda u Zenici.

Tužba se podnosi neposredno Kantonalnom sudu u Zenici .

Broj: 02-05-1-403/15

Datum: 12.02.2015.godine

PREDSJEDAVAJUĆI OV,
Marko Zelić

AKTI OPĆINSKOG NAČELNIKA

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, broj:35/05), člana 42. Statuta Općine Maglaj („Službene novine Općine Maglaj, broj:8/07, 3/08 i 6/08), člana 3. Zakona o finansiranju političkih stranaka („Službeni glasnik Bosne i Hercegovine“, broj; 95/12), člana 7. stav 6. Odluke o finansiranju Zeničko-dobojskog kantona („Službene novine Zeničko-dobojskog kantona“, broj:16/97), člana 23. Odluke o izvršavanju Budžeta Općine Maglaj za 2014. fiskalnu godinu („Službene novine Općine Maglaj“, broj: 3/14), člana 3. Odluke o kriterijima, mjerilima i načinu finansiranja parlamentarnih grupa političkih stranaka u 2014. godini („Službene novine Općine Maglaj“, broj:7/14), Općinski načelnik donosi

ODLUKA**O izmjeni Odluke o rasporedu i isplati sredstava Budžeta Općine Maglaj za 2014. godinu, Pozicija „Finansiranje parlamentarnih grupa političkih stranaka“****Član 1.**

Ovom Odlukom mijenja se Odluka o rasporedu i isplati sredstava Budžeta Općine Maglaj za 2014.godinu Pozicija „Finansiranje parlamentarnih grupa političkih strana“, broj: 01.49-1693/14 od 30.09.2014.godine, tako što se član 3. Odluke mijenja i glasi :

Shodno članu 2. Odluke planirana sredstva u iznosu od 112.860,00 KM raspoređuju se parlamentarnim grupama političkih stranaka kako slijedi:

- SDA.....= mjesečno	=	3.450,20 KM
- SDP.....= mjesečno	=	2.585,00 KM
- Stranka za BiH.....= mjesečno	=	628,80 KM
- HDZ.....= mjesečno	=	628,80 KM
- Stranka penzionera= mjesečno	=	628,80 KM
- Savez za bolju budućnost = mjesečno	=	854,60 KM
- Narodna SRzB= mjesečno	=	628,80 KM
SVEGA:	=	9.405,00 KM

Pripadajući iznos sredstava iz stava 1. ovog člana parlamentarnim grupama političkih stranaka transferisat će se mjesečno sa transakcijskog računa Budžeta Općine Maglaj na transakcijske račune političkih stranaka kojima pripadaju pojedine parlamentarne grupe.

Član 2.

Ova Odluka stupa na snagu danom donošenja, a primjenjuje se od 1.1. 2014.godine do

31.12.2014.godine i ima se objaviti u “Službenim novinama Općine Maglaj”.

Broj: 01-49-106/15

Maglaj, 20.01. 2015. godine

OPĆINSKI NAČELNIK,
Mehmed Mustabašić, prof.

Na osnovu člana 42. Statuta Općine Maglaj („Službene novine Općine Maglaj“, broj: 8/01, 3/08 i 6/08) i dopisa UNDP programa a vezano za interni prijem zgrade općinske administracije i ukazane potrebe Općinski načelnik, d o n o s i

RJEŠENJE**o imenovanju prestavnika Općine Maglaj u Komisiji za interni tehnički prijem**

1. mr.sc. Zijad Džaferović, dipl.ing. građ., se imenuje za člana Komisije za interni tehnički prijem završenih radova na sanaciji zgrade Općine Maglaj.
2. Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

Broj: 01-49-280/15

Maglaj, 26.01.2015.godine

OPĆINSKI NAČELNIK,
Mehmed Mustabašić, prof.

Na osnovu člana 42. Statuta Općine Maglaj (“Službene novine Općine Maglaj”, broj: 8/07, 3/08 i 6/08) i člana 32. Odluke o izvršavanju Budžeta Općine Maglaj za 2015 . godinu, ("Službene novine Općine Maglaj", broj: 9/14), a na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za utrošak sredstava iz Budžeta općine Maglaj za 2015. godinu sa transfera “Elementarne nužne životne potrebe lica i porodica u stanju socijalne potrebe kojima je usljed okolnosti (repatrijacije, migracije, elementarne nepogode, smrti jednog ili više članova porodice, bolesti, povratka sa liječenja i sl.) potreban odgovarajući oblik socijalne zaštite”

Član 1.

Ovim Kriterijima utvrđuju se uslovi, način i postupak dodjele sredstava iz Budžeta Općine Maglaj za 2015. godinu sa transfera "Elementarne nužne životne potrebe lica i porodica u stanju socijalne potrebe kojima je usljed okolnosti (repatrijacije, migracije, elementarne nepogode, smrti jednog ili više članova porodice, bolesti, povratka sa liječenja i sl.) potreban odgovarajući oblik socijalne zaštite" sa područja općine Maglaj.

Član 2.

Korisnici prava po ovim Kriterijima su materijalno neosigurana lica iporodice odnosno lica I porodice u stanju socijalne potrebe koji imaju prebivalište ili boravište na području općine Maglaj.

Član 3.

Novčana pomoć u skladu sa ovim Kriterijima može se odobriti u svrhu elementarnih nužnih životnih potreba i socijalne zaštite materijalno neosiguranih lica i porodica koje se nađu u stanju socijalne potrebe zbog:

1. pretrpljene prisilne migracije,
2. repatrijacije,
3. smrti jednog ili više članova porodice ,
4. liječenja,
5. odlaska i povratka sa liječenja,
6. otpuštanja sa izdržavanja kazne zatvora,
7. izvršavanja odgojne mjere ,
8. elementarne nepogode ,
9. iznenadnih nesretnih događaja u porodici,
10. drugi okolnosti koje uzrokuju stanje socijalne potrebe.

Član 4.

Novčana pomoć u skladu sa ovim Kriterijima može se odobriti licu i porodici u stanju potrebe za potrebe uzrokovane okolnostima nevedenim u članu 3. ovih Kriterija pod slijedećim uslovima:

1. da imaju prebivalište ili boravište na području općine Maglaj,
2. da nemaju dovoljno prihoda za uzdržavanje odnosno da ukupan prihod, po članu domaćinstva mjesečno ne prelazi 10% od prosječne neto plaće u Kantonu, ostvarene u prethodnoj kalendarskoj godini,
3. da niko od članova domaćinstva nije vlasnik preduzeća ili samostalne radnje ili ima registrovanu dopunsku djelatnost i da nije vlasnik osobnog automobila,
4. da putem centra za socijalni rad Maglaj nisu ostvarili pravo na jednokratnu ili privremenu novčanu pomoć u toku tekuće godine više od jedanput,
5. da ne prima inostranu penziju.

Član 5.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći zainteresovana lica prilažu slijedeću dokumentaciju:

- a. fotokopiju lične karte,
- b. ovjerenu izjavu o zajedničkom domaćinstvu,
- c. dokaz o prihodima za sve punoljetne članova domaćinstva (uvjerenje o nezaposlenosti, rješenja o penzionisanju, ček od penzije i dr.),
- d. uvjerenje Poreske uprave,
- e. uvjerenje Mup-a da podnosilac zahtjeva i punoljetni članovi domaćinstva nemaju registrovano vozilo,
- f. druge dokaze iz kojih se vidi opravdanost zahtjeva (računi, medicinska dokumenta cija i sl).

Sredstva po ovim Kriterijima ne mogu ostvariti osobe za koje se utvrdi da su u zahtjevu i priloženoj dokumentaciji prikrili ili dali netačne podatke ili dokumente.

Član 6.

U postupku po zahtjevu Služba za boračko-invalidsku i socijalnu zaštitu, opću upravu i društvene djelatnosti je dužna isti razmotriti, utvrditi kompletnost podnesene dokumentacije i zahtjevati otklanjanje uočenih nedostataka i eventualnu dopunu dokumentacije, izvršiti potrebne provjere, utvrditi opravdanost zahtjeva te shodno utvrđenom predložiti Općinskom načelniku odobravanje novčane pomoći ili odbijanje zahtjeva.

Član 7.

Odluku o dodjeli novčane pomoći u skladu sa ovim Kriterijima donosi Općinski načelnik na prijedlog Službe.

Novčana pomoć u skladu sa ovim Kriterijima, može se odobriti u iznosu do 200,00 KM, a istom licu/porodici može se odbriti najviše dva puta u toku budžetske 2015. godine, u smislu protoka 6 mjeseci od ranije odluke.

Izuzetno, u slučaju naročito teške bolesti ili stanju izuzetne socijalne potrebe , novčana pomoć se može odobriti u iznosu većem od 200,00 KM, a maksimalno u iznosu od 500,00 KM.

Član 8.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem Blagajne Općine Maglaj.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima po osnovu novčanih pomoći utvrđenih ovim Kriterijima.

Član 9.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj: 01-35-3-343/15
Maglaj, 04.02.2015. godine

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

**RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama**

**OPĆINSKI NAČELNIK,
Mehmed Mustabašić, prof.**

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 32. Odluke o izvršavanju Budžeta Općine Maglaj za 2015. godinu, ("Službene novine Općine Maglaj", broj: 9/14), a na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za utrošak sredstava iz Budžeta općine Maglaj za 2015. godinu sa transfera "Socijalna i zdravstvena zaštita, elementarne nužne životne potrebe raseljenih osoba i ostalog stanovništava na minimumu egzistencije"

Član 1.

Ovim Kriterijima utvrđuju se uslovi, način i postupak dodjele sredstava iz Budžeta Općine Maglaj za 2015. godinu sa transfera "Socijalna i zdravstvena zaštita, elementarne nužne životne potrebe raseljenih osoba i ostalog stanovništava na minimumu egzistencije" za potrebe raseljenih osoba, povratnika i ostalog stanovništava na minimumu egzistencije koji imaju prebivalište ili boravište na području općine Maglaj.

Član 2.

Korisnici prava po ovim Kriterijima su raseljene osobe, povratnici i lica ili porodice na

minimumu egzistencije, koji imaju prebivalište ili boravište na području općine Maglaj.

Član 3.

Novčana pomoć u skladu sa ovim Kriterijima može se odobriti u svrhu socijalne i zdravstvena zaštite i elementarnih nužnih životnih potreba raseljenih osoba, povratnika i ostalog stanovništava na minimumu egzistencije koje se nađu u stanju socijalne potrebe zbog:

1. pretrpljene prisilne migracije,
2. repatrijacije,
3. smrti jednog ili više članova porodice,
4. liječenja,
5. odlaska i povratka sa liječenja,
6. otpuštanja sa izdržavanja kazne zatvora,
7. izvršavanja odgojne mjere,
8. elementarne nepogode,
7. iznenadnih nesretnih događaja u porodici,
8. nemogućnosti zapošljavanja,
9. potrebe preseljenja u prijetratno prebivalište,
10. drugih okolnosti koje uzrokuju stanje socijalne potrebe.

Član 4.

Novčana pomoć u skladu sa ovim Kriterijima može se odobriti raseljenoj osobi, licu ili porodici na minimumu egzistencije za potrebe uzrokovane okolnostima nevedenim u članu 3. ovih Kriterija pod slijedećim uslovima:

5. da imaju prebivalište ili boravište na području općine Maglaj,
6. da ukupna primanja porodičnog domaćinstva ne prelaze 60% od prosječne neto plaće u Kantonu, ostvarene u prethodnoj kalendarskoj godini,
7. da niko od članova domaćinstva nije vlasnik preduzeća ili samostalne radnje ili ima registrovanu dopunsku djelatnost.

Član 5.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći zainteresovana lica prilažu slijedeću dokumentaciju:

- fotokopiju lične karte,
- ovjerenu izjavu o zajedničkom domaćinstvu,
- dokaz o prihodima za sve punoljetne članova domaćinstva (uvjerenje o nezaposlenosti, kopija rješenja o penzionisanju, ček od penzije i dr.),
- uvjerenje Poreske uprave,

- druge dokaze iz kojih se vidi opravdanost zahtjeva (računi, medicinska dokumentacija i sl).

Sredstva po ovim Kriterijima ne mogu ostvariti osobe za koje se utvrdi da su u zahtjevu i priloženoj dokumentaciji prikrili ili dali netačne podatke ili dokumente.

Član 6.

U postupku po zahtjevu Služba za boračko-invalidsku i socijalnu zaštitu, opću upravu i društvene djelatnosti je dužna isti razmotriti, utvrditi kompletnost podnesene dokumentacije i zahtjevati otklanjanje uočenih nedostataka i eventualnu dopunu dokumentacije, izvršiti potrebne provjere, utvrditi opravdanost zahtjeva te shodno utvrđenom predložiti Općinskom načelniku odobravanje novčane pomoći ili odbijanje zahtjeva.

Član 7.

Odluku o dodjeli novčane pomoći u skladu sa ovim Kriterijima donosi Općinski načelnik na prijedlog Službe.

Novčana pomoć u skladu sa ovim Kriterijima, može se odobriti u iznosu do 200,00 KM, a istom licu/porodici može se odobriti samo jedanput u toku budžetske 2015. godine.

Izuzetno, u slučaju naročito teške bolesti ili stanju izuzetne socijalne potrebe, novčana pomoć se može odobriti u iznosu većem od 200,00 KM, a maksimalno u iznosu od 500,00 KM.

Član 8.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem Blagajne Općine Maglaj.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima po osnovu novčanih pomoći utvrđenih ovim Kriterijima.

Član 9.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj:01-35-3-345/15
Maglaj, 04.02.2015. godine

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

**RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama**

**OPĆINSKI NAČELNIK,
Mehmed Mustabašić, prof.**

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 32. Odluke o izvršavanju Budžeta Općine Maglaj za 2015. godinu ("Službene novine Općine Maglaj", broj: 09/14), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za dodjelu sredstava iz Budžeta Općine Maglaj za 2015. godinu sa transfera „Transfer za stambeno zbrinjavanje socijalno ugroženih kategorija stanovništva ”

Član 1.

Ovim Kriterijima utvrđuju se uslovi, način i postupak dodjele sredstava iz Budžeta Općine Maglaj za 2015. godinu sa transfera „Transfer za stambeno zbrinjavanje socijalno ugroženih kategorija stanovništva”, u svrhu pomoći u rješavanju stambenog pitanja socijalno ugroženih kategorija stanovništva koji imaju prebivalište na području općine Maglaj.

Član 2.

Dodjela sredstava po ovim Kriterijima vrši se za socijalno ugrožene kategorije stanovništva u svrhu pomoći kod:

- izgradnje stambenog objekta s ciljem trajnog rješavanja stambenog pitanja,
- sanacije i adaptacije vlastitog stambenog prostora,
- dogradnje – proširenja vlastitog stambenog objekta,
- prilagodavanja stambenog objekta ili prostora, naročito kupatila, posebnim potrebama invalida i osobama sa posebnim potrebama.
- sufinansiranja projekata stambenog zbrinjavanja socijalno ugroženih kategorija stanovništva.

Član 3.

Korisnici novčane pomoći po ovim Kriterijima su socijalno ugrožene kategorije stanovništva koje imaju prebivalište na području općine Maglaj.

Član 4.

Lica iz člana 3 ovih Kriterija, novčana sredstva pomoći u rješavanju stambenog pitanja, mogu ostvariti pod slijedećim uslovima:

- a. da imaju prebivalište na području općine Maglaj,
- b. da ukupna primanja porodičnog domaćinstva ne prelaze 60% od prosječne neto plaće u Kantonu, ostvarene u prethodnoj kalendarskoj godini,
- c. da posjeduju valjanu dokumentaciju o vlasništvu nad stambenim objektom,
- d. da nisu korisnici nepovratnih sredstava Federalnog, Kantonalnog ili Općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu dovoljnom za rješavanje stambenog pitanja – stvaranje minimalnih uslova za stanovanje,
- e. da on i članovi njegovog porodičnog domaćinstva nisu privatni djelatnici – porezni obveznici sa dugovanjima državi po raznim osnovama,
- f. da niko od članova domaćinstva nije vlasnik preduzeća ili samostalne radnje ili ima registrovanu dopunsku djelatnost.
- g. da podnosilac zahtjeva kao i članovi domaćinstva nemaju registrovan vlastiti automobil ili teretno vozilo

U smislu ovih Kriterija smatra se da je stambeno zbrinuto, tj. da ima riješeno stambeno pitanje lice koje u ličnom vlasništvu ili vlasništvu bračnog druga ili bilo kojeg člana porodičnog domaćinstva, posjeduje stambeni objekat sa valjanom dokumentacijom i uvjetan za stanovanje.

Član 5.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći u svrhu rješavanja stambenog pitanja zainteresovana lica prilažu slijedeću dokumentaciju:

8. fotokopiju lične karte,
9. valjanu dokumentaciju o stambenom objektu,
10. ovjerenu izjavu o zajedničkom domaćinstvu (kućna lista),
11. izjavu i uvjerenje Službe za boračko-invalidsku i socijalnu zaštitu, opću upravu i društvene djelatnosti da nisu korisnici nepovratnih sredstava Federalnog, Kantonalnog ili Općinskog budžeta, donatorskih sredstava i

ostalih sredstava dodjeljenih u svrhu stambenog zbrinjavanja u iznosu dovoljnom za rješavanje stambenog pitanja – stvaranje minimalnih uslova za stanovanje,

12. dokaz o prihodima za sve punoljetne članova domaćinstva (uvjerenje o nezaposlenosti, kopija reješenja o penzionisanju, ček od penzije i dr.),
13. uvjerenje Poreske uprave,
14. uvjerenje od MUP ZDK da nemaju registrovan vlastiti automobil ili teretno vozilo
15. druge dokaze iz kojih se vidi opravdanost zahtjeva.

Sredstva po ovim Kriterijima ne mogu ostvariti osobe za koje se utvrdi da nemaju valjanu dokumentaciju o vlasništvu nad stambenim objektom ili su bili korisnici sredstava za pomoć u stambenom zbrinjavanju po bilo kom osnovu i na bilo kojoj razini vlasti, dovoljnih za stvaranje minimalnih uvjeta stanovanja.

Član 6.

Služba za boračko-invalidsku i socijalnu zaštitu, opću upravu i društvene djelatnosti dužna je razmotri podnesene zahtjeve, izvrši uvid u priloženu dokumentaciju i stanje objekta/stana na licu mjesta, sačini zapisnik o utvrđenom stanju i mišljenje o socijalno-ekonomskoj situaciji porodičnog domaćinstva podnosioca zahtjeva, te na osnovu utvrđenog stanja predložiti Općinskom načelniku odobravanje novčane pomoći ili odbijanje zahtjeva.

Općinski načelnik može, na osnovu prijedloga resorne Službe, interventno djelovati u odobravanju novčane pomoći u svrhu rješavanja stambenog pitanja socijalno ugroženih kategorija stanovništva, po podnesenim zahtjevima koji nisu definirani ovim Kriterijima a koji su opravdani i zahtijevaju hitno rješavanje.

Član 7.

Na prijedlog Službe, odluku o dodjeli sredstava po podnesenim zahtjevima u pojedinačnim iznosima u skladu sa ovim Kriterijima donosi Općinski načelnik, koji istovremeno utvrđuje dinamiku isplate.

Novčana pomoć u skladu sa ovim Kriterijima, može se odobriti u maksimalnom iznosu do 2.000,00 KM.

Član 8.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem tekućih računa korisnika novčane pomoći.

Odobrena sredstva po ovim Kriterijima se moraju pravdati kao namjenski utrošena u roku od 30 dana računajući od dana isplate.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima socijalno ugroženim kategorijama stanovništva po osnovu novčanih pomoći utvrđenih ovim Kriterijima.

Član 9.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj: 01-35-3-344/15
Maglaj, 04.02.2015. godine

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

**RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama**

**OPĆINSKI NAČELNIK,
Mehmed Mustabašić, prof.**

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 32. Odluke o izvršavanju Budžeta Općine Maglaj za 2015. godinu ("Službene novine Općine Maglaj", broj: 9/14), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za utrošak sredstava iz Budžeta općine Maglaj za 2015. godinu sa transfera "Učešće Općine u projektima povratka, reintegracije, rekonstrukcije, održivog povratka za raseljena lica"

Član 1.

Ovim Kriterijima utvrđuju se namjena, uslovi i način utroška sredstava iz Budžeta općine Maglaj za 2012. godinu sa transfera "Učešće Općine u projektima povratka, reintegracije, rekonstrukcije, održivog povratka za raseljena lica".

Član 2.

Sredstva planirana u Budžetu Općine Maglaj za 2015. godinu na transferu „Učešće Općine u projektima povratka, reintegracije, rekonstrukcije, održivog povratka za raseljena lica”, namjenjena su za učešće općine Maglaj u sufinansiranju realizacije/implementacije projekata povratka, reintegracije, rekonstrukcije, održivog povratka, za raseljena lica, izbjeglice i povratnike na područje općine Maglaj.

Član 3.

U skladu sa ovim Kriterijima, sredstva se mogu koristiti pod slijedećim uslovima:

- da su korisnici projekta raseljena lica, izbjeglice i povratnici na područje općine Maglaj,
- da se projekat realizuje na području općine Maglaj,
- da je cilj projekta stvaranje uslova za povratak i reintegraciju u smislu člana 21. stav 1. i 3. Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj: 15/05).

Član 4.

Sredstva sa ovog transfera koristit će se na način kojim će se osigurati izvršenje preuzetih obaveza Općine Maglaj u sufinansiranju realizacije/implementacije projekata povratka, reintegracije, rekonstrukcije, održivog povratka, u skladu sa memorandumom o razumjevanju, ugovorom o realizaciji projekta, sporazumom o saradnji, tripartitnim ili drugim ugovorom ili sporazumom, zaključenim između općine Maglaj i drugih stana potpisnica - donatora, korisnika, implementatora projekta i dr., ukoliko se za te obaveze ne mogu koristiti sredstva sa drugih transfera u Budžetu Općine Maglaj za 2015. godinu.

Član 5.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj: 01-36-3-342/15
Maglaj, 04.02.2015. godine

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

**RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama**

**OPĆINSKI NAČELNIK
Mehmed Mustabašić, prof.**

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 23. Odluke o izvršavanju Budžeta Općine Maglaj za 2015. godinu ("Službene novine Općine Maglaj", broj: 9/14), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za dodjelu sredstava iz Budžeta općine Maglaj za 2015. godinu sa transfera "Novčane pomoći za ugradnju doniranog materijala raseljenim osobama - prognanicima i izbjeglicama povratnicima"

Član 1.

Ovim Kriterijima utvrđuju se uslovi i način dodjele sredstava iz Budžeta Općine Maglaj za 2015. godinu sa transfera "Novčane pomoći za ugradnju doniranog materijala raseljenim osobama - prognanicima i izbjeglicama povratnicima".

Član 2.

Dodjela sredstava po ovim Kriterijima vrši se u svrhu pomoći za ugradnju doniranog građevinskog materijala i na taj način pružanja pomoći u nužnoj opravci i rekonstrukciji vlastitih stambenih jedinica - kuća ili stanova raseljenih osoba - prognanika i izbjeglica povratnika na područje općine Maglaj kojima je doniran građevinski materijal, u cilju stvaranja uslova za povratak i povratka na područje općine Maglaj.

Član 3.

Korisnici novčane pomoći po ovim Kriterijima su raseljena lica - raseljene osobe i povratnici kojima je doniran građevinski materijal za obnovu i rekonstrukciju vlastitih stambenih jedinica - kuća ili stanova na području općine Maglaj, pod uslovom da isti nije ugrađen.

Član 4.

Lice iz člana 3 ovih Kriterija, sredstva novčane pomoći za ugradnju doniranog materijala mogu ostvariti pod slijedećim općim uslovima:

- da je izbjeglica iz Bosne i Hercegovine, raseljena osoba u Bosni i Hercegovini ili povratnik,
- da je iskazao namjeru za povratkom na područje općine Maglaj,
- da je utvrđen status vlasništva ili stanarskog prava nad stambenom jedinicom koja se nalazi na području općine Maglaj i koja je predmet rekonstrukcije,
- da je na dan 30.04.1991. godine imao prebivalište u stambenoj jedinici na

području općine Maglaj, koja je predmet rekonstrukcije,

- da se stambena jedinica koja je predmetom rekonstrukcije smatra neuvjetnom za stanovanje u skladu sa odgovarajućim standardima o minimumu stambenih uvjeta,
- da on i članovi njegovog domaćinstva od 1991. godine, nemaju na teritoriji Bosne i Hercegovine drugu stambenu jedinicu koja se smatra uvjetnom za stanovanje u skladu sa odgovarajućim standardima o minimumu stambenih uvjeta,
- da nije primio pomoć u rekonstrukciji dovoljnu da zadovolji odgovarajuće standarde o minimumu stambenih uvjeta.

Član 5.

Posebni uslovi koji će se vrednovati u slučaju većeg broja podnesenih zahtjeva za dodjelu sredstava novčane pomoći za ugradnju doniranog građevinskog materijala u skladu sa ovim Kriterijima su:

a) Korisnik pomoći se vratio na svoje prijeratno prebivalište i živi u uvjetima koji su ispod utvrđenog stambenog minimuma, uključujući i korisnike koji privremeno borave u improvizovanim naseljima, kampovima, kontejnerima i slično.

Vrednovanje :

- kada se vratila cijela obitelj korisnika pomoći vrednuje se sa 80 bodova
- kada se vratio samo jedan korisnik pomoći vrednuje se sa 30 bodova
- svaki član domaćinstva koji se vratio sa korisnikom dodatno se vrednuje sa ...20 bodova

b) Korisnik pomoći pripada određenim skupinama kao što su:

1. Socijalne kategorije,
2. osobe sa onesposobljenjem/invaliditetom,
3. samohrani roditelji, staratelji ili hraniooci porodice,
4. šehidske porodice/podporice poginulog borca,
5. porodice nestalih osoba i bivši logoraši.

Vrednovanje:

- kada korisnik pomoći ili član uže obitelji korisnika pomoći ostvaruje prava po osnovu pripadnosti jednoj od posebnih kategorija vrednuje se sa 10 bodova
- kada korisnik pomoći i/ili član uže obitelji korisnika pomoći ostvaruje prava po osnovu pripadnosti dvijema ili više posebnih kategorija dodatno se vrednuje sa 10 bodova

c) Korisnik se nalazi u kolektivnim oblicima zbrinjavanja (tranzitno-prihvatni i kolektivni centri), alternativnom smještaju ili zadovoljava uvjete i ima/ostvaruje pravo na alternativni smještaj.

Vrednovanje:

- kada korisnik pomoći/obitelj korisnika boravi u kolektivnom smještaju u BIH vrednuje se sa 30 bodova

- kada korisnik pomoći/obitelj korisnika boravi u alternativnom smještaju odnosno ostvaruje pravo na alternativni smještaj vrednuje se sa 20 bodova

d) Broj i starosna dob članova domaćinstva koji su se prijavili za povratak na svoje prijeratno prebivalište.

Vrednovanje:

- svaki član domaćinstva korisnika pomoći vrednuje se sa 10 bodova

- svaki malodobni član obitelji korisnika pomoći dodatno se vrednuje sa 15 bodova

Član 6.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći za ugradnju doniranog materijala zainteresovana lica dužna su priložiti ugovor o donaciji građevinskog materijala i dokumentaciju kojom se dokazuje ispunjavanje općih uslova iz člana 4. ovih Kriterija.

Član 7.

Služba je dužna razmotriti podnesene zahtjeve, izvrši uvid u priloženu dokumentaciju i stanje stambene jedinice na licu mjesta, sačini zapisnik o utvrđenom stanju i mišljenje o socijalno-ekonomskoj situaciji porodičnog domaćinstva podnosioca zahtjeva i Općinskom načelniku dostaviti prijedlog za odobravanje novčane pomoći ili odbijanje zahtjeva.

U slučaju većeg broja podnesenih zahtjeva Služba je dužna od podnosioca zahtjeva tražiti dopunu dokumentacije kojom se dokazuje ispunjavanje posebnih uslova iz člana 5. ovih Kriterija, te izvršiti primjenu i vrednovanje posebnih kriterija kojima se vrši rangiranje potencijalnih korisnika pomoći.

Član 8.

Na prijedlog Službe, odluku o dodjeli sredstava po podnesenim zahtjevima u pojedinačnim iznosima u skladu sa ovim Kriterijima donosi

Općinski načelnik, koji istovremeno utvrđuje dinamiku isplate.

Novčana pomoć u skladu sa ovim Kriterijima, može se odobriti u maksimalnom iznosu do 2.000,00 KM.

Član 9.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem tekućih računa korisnika novčane pomoći.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima po osnovu novčanih pomoći utvrđenih ovim Kriterijima.

Član 10.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj: 01-36-3-341/15

Maglaj, 04.02.2015. godine

PRIPREMILA:

Služba za boračko-invalidsku i socijalnu zaštitu, opću upravu i društvene djelatnosti Općine Maglaj

RUKOVODILAC SLUŽBE

POMOĆNIK OPĆINSKOG NAČELNIKA

mr. sc. Azra Čakrama

OPĆINSKI NAČELNIK,
Mehmed Mustabašić, prof.

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 23. Odluke o izvršavanju Budžeta Općine Maglaj za 2015. godinu ("Službene novine Općine Maglaj", broj: 9/14), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za dodjelu sredstava iz Budžeta Općine Maglaj za 2015. godinu sa transfera "Stambeno zbrinjavanje, sanacija i adaptacija stambenog prostora boračkih populacija"

Član 1.

Ovim Kriterijima utvrđuju se uslovi, način i postupak dodjele sredstava iz Budžeta Općine Maglaj

za 2015. godinu sa transfera “Stambeno zbrinjavanje, sanacija i adaptacija stambenog prostora boračkih populacija”, u svrhu pomoći u rješavanju stambenog pitanja pripadnika branilačke populacije koji imaju prebivalište na području općine Maglaj kao i povratnika u Republiku Srpsku koji ostvaruju osnovna prava iz oblasti branilačko-invalidske zaštite u Općini Maglaj i koji su na evidenciji nadležnog organa za vojne evidencije u općini Maglaj .

Član 2.

Dodjela sredstava po ovim Kriterijima vrši se za pripadnike branilačke populacije u svrhu pomoći kod:

1. izgradnje stambenog objekta s ciljem trajnog rješavanja stambenog pitanja,
2. sanacije i adaptacije vlastitog stambenog prostora,
3. dogradnje – proširenja vlastitog stambenog objekta,
4. prilagođavanja stambenog objekta ili prostora, naročito kupatila, posebnim potrebama ratnih vojnih invalida i osobama sa posebnim potrebama.

Član 3.

Korisnici novčane pomoći po ovim Kriterijima su dobitnici ratnih priznanja i odlikovanja, ratni vojni invalidi, demobilizirani branioци, članovi porodica šehida, poginulih, umrlih i nestalih branilaca, članovi porodice umrlih ratnih vojnih invalida, članovi uže porodice poginulih, umrlih ili nestalih dobitnika ratnog priznanja ili odlikovanja, članovi uže porodice umrlih demobiliziranih branilaca, koji imaju prebivalište na području općine Maglaj kao i povratnici u Republiku Srpsku koji ostvaruju osnovna prava iz oblasti branilačko-invalidske zaštite u Općini Maglaj i koji su na evidenciji nadležnog organa za vojne evidencije u općini Maglaj.

Član 4.

Pojmovi i definicije iz ovih Kriterija: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca, član porodice umrlog ratnog vojnog invalida, član uže porodice dobitnika ratnog priznanja ili odlikovanja, član porodice umrlog demobiliziranog branioca, upotrijebljeni su u skladu sa Zakonom o pravima branilaca i članova njihovih porodica (“Službene novine Federacije Bosne i Hercegovine“, broj: 33/04, 56/05, 70/07 i 9/10), Zakonom o posebnim pravima dobitnika ratnih priznanja i odlikovanja i članova njihovih porodica (“Službene novine Federacije Bosne i Hercegovine“, broj: 70/05, 61/06 i 9/10) i Zakonom o dopunskim pravima

branilaca i članova njihovih porodica (“Službene novine Zeničko-dobojskog kantona”, broj: 1/14).

Član 5.

Lica iz člana 3 ovih Kriterija, novčana sredstva pomoći u rješavanju stambenog pitanja, mogu ostvariti pod slijedećim uslovima;

- a. da imaju prebivalište na području općine Maglaj (osim povratnika u Republiku Srpsku),
- b. da ostvaruju prava iz oblasti branilačko-invalidske zaštite u Općini Maglaj,
- c. da posjeduju valjanu dokumentaciju o vlasništvu nad stambenim objektom,
- d. da nisu korisnici nepovratnih sredstava Federalnog, Kantonalnog ili Općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu dovoljnom za rješavanje stambenog pitanja – stvaranje minimalnih uslova za stanovanje,
- e. da on i članovi njegovog porodičnog domaćinstva nisu privatni djelatnici – porezni obveznici sa dugovanjima državi po raznim osnovama.

U smislu ovih Kriterija smatra se da je stambeno zbrinuto, tj. da ima riješeno stambeno pitanje lice koje u ličnom vlasništvu ili vlasništvu bračnog druga ili bilo kojeg člana porodičnog domaćinstva, posjeduje stambeni objekat sa valjanom dokumentacijom.

Član 6.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći u svrhu rješavanja stambenog pitanja zainteresovana lica prilažu slijedeću dokumentaciju:

- a. fotokopiju lične karte,
- b. rješenje nadležnog organa o priznavanju svojstva ratnog vojnog invalida, odnosno člana porodice šehida, poginulog, umrlog, nestalog branioca ili umrlog ratnog vojnog invalida, o priznavanju prava na mjesečni novčani dodatak za dobitnike ratnog priznanja ili odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, uvjerenje nadležnog organa o periodu učešća u Oružanim snagama Bosne i Hercegovine, izdatog u skladu sa Zakonom o upravnom postupku (“Službene novine Federacije BiH : broj: 2/98 i 48/99),
- c. valjanu dokumentaciju o stambenom objektu,

- d. ovjerenu izjavu o zajedničkom domaćinstvu (kućna lista),
- e. izjavu i uvjerenje Službe za boračko-invalidsku i socijalnu zaštitu, opću upravu i društvene djelatnosti da nisu korisnici nepovratnih sredstava Federalnog, Kantonalnog ili Općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu dovoljnom za rješavanje stambenog pitanja – stvaranje minimalnih uslova za stanovanje,
- f. uvjerenje Porezne uprave,
- g. druge dokaze iz kojih se vidi opravdanost zahtjeva.

Sredstva po ovim Kriterijima ne mogu ostvariti osobe za koje se utvrdi da nemaju valjanu dokumentaciju o vlasništvu nad stambenom objektom ili su bili korisnici sredstava za pomoć u stambenom zbrinjavanju po bilo kom osnovu i na bilo kojoj razini vlasti.

Član 7.

Rukovodilac Službe za boračko-invalidsku i socijalnu zaštitu, opću upravu i društvene djelatnosti formira stručnu komisiju (u daljem tekstu Komisija) od tri člana od kojih jedan član posjeduje zvanje građevinske struke.

Komisija oformljena na način iz stava 1. ovog člana radit će u toku radnog vremena i bez naknade.

Zadatak Komisije je da razmotri podnesene zahtjeve, izvrši uvid u priloženu dokumentaciju i stanje objekta/stana na licu mjesta, sačini zapisnik o utvrđenom stanju i mišljenje o socijalno-ekonomskoj situaciji porodičnog domaćinstva podnosioca zahtjeva sa prijedlogom za odobravanje novčane pomoći ili odbijanje zahtjeva.

Prednost kod razmatranja zahtjeva imaju:

1. dobitnici ratnih priznanja i odlikovanja iz člana 5. stav 3. Zakona,
2. djeca šehida, poginulih, umrlih, nestalih branilaca, bez oba roditelja i ratni vojni invalidi sa oštećenjem organizma od 100% I grupa,
3. porodice sa dva ili više poginulih, umrlih, nestalih branilaca i ratni vojni invalidi sa oštećenjem organizma od 100% II grupe,
4. članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 3. Zakona,
5. porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70% ,

6. članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 4. i stav 5. Zakona, umrlih ratnih vojnih invalida i umrlih demobiliziranih branilaca,
7. ostali dobitnici ratnih priznanja ili odlikovanja,
8. ratni vojni invalidi sa oštećenjem organizma od 60% do 20%,
9. demobilizirani branioci.

Služba za boračko-invalidsku i socijalnu zaštitu, opću upravu i društvene djelatnosti na osnovu prijedloga Komisije, predlaže Općinskom načelniku odobravanje novčane pomoći ili odbijanje zahtjeva.

Općinski načelnik može, na osnovu prijedloga Komisije i resorne Službe, interventno djelovati u odobravanju novčane pomoći u svrhu rješavanja stambenog pitanja pripadnika branilačke populacije, po podnesenim zahtjevima koji nisu definirani ovim Kriterijima a koji su opravdani i zahtijevaju hitno rješavanje.

Član 8.

Na prijedlog Službe, odluku o dodjeli sredstava po podnesenim zahtjevima u pojedinačnim iznosima u skladu sa ovim Kriterijima donosi Općinski načelnik, koji istovremeno utvrđuje dinamiku isplate.

Novčana pomoć u skladu sa ovim Kriterijima, može se odobriti u maksimalnom iznosu do 3.000,00 KM.

Član 9.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem tekućih računa korisnika novčane pomoći.

Odobrena sredstva po ovim Kriterijima se moraju pravdati kao namjenski utrošena u roku od 30 dana računajući od dana isplate.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima branilačkim populacijama i članovima njihovih porodica po osnovu novčanih pomoći utvrđenih ovim Kriterijima.

Član 10.

Kriteriji stupaju na snagu danom donošenja i objavit će se u "Službenim novinama Općine Maglaj".

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama

OPĆINSKI NAČELNIK
Mehmed Mustabašić, prof.

Na osnovu člana 42. Statuta Općine Maglaj ("Službene novine Općine Maglaj", broj: 8/07, 3/08 i 6/08) i člana 23. Odluke o izvršavanju Budžeta Općine Maglaj za 2015. godinu ("Službene novine Općine Maglaj", broj: 9/14), na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinski načelnik donosi

KRITERIJE

za dodjelu sredstava iz Budžeta Općine Maglaj za 2015. godinu sa transfera "Plaćanje specijalističkih pregleda boračkih populacija i CŽR, operacija, troškova liječenja i nabavke lijekova, ortopedskih pomagala, plaćanje ogrijeva, socijalna i zdravstvena zaštita i sl."

Član 1.

Ovim Kriterijima utvrđuju se uslovi, način i postupak dodjele sredstava iz Budžeta Općine Maglaj za 2015. godinu sa transfera "Plaćanje specijalističkih pregleda boračkih populacija i CŽR, operacija, troškova liječenja i nabavke lijekova, ortopedskih pomagala, socijalna i zdravstvena zaštita i sl.", a u svrhu liječenja, plaćenja specijalističkih pregleda, operacija, troškova liječenja i nabavke lijekova, ortopedskih pomagala, plaćanje ogrijeva, socijalne i zdravstvene zaštite i sl. za potrebe branilačkih populacija i civilnih žrtava rata koji imaju prebivalište ili boravište na području općine Maglaj kao i povratnika u Republiku Srpsku koji ostvaruju osnovna prava iz oblasti branilačko-invalidske zaštite i zaštite civilnih žrtava rata u Općini Maglaj i koji su na evidenciji nadležnog organa za vojne evidencije u općini Maglaj.

Član 2.

Korisnici novčane pomoći po ovim Kriterijima su dobitnici ratnih priznanja i odlikovanja, ratni vojni invalidi, demobilizirani branioci, članovi porodica šehida, poginulih, umrlih i nestalih branilaca, članovi porodice umrlih ratnih vojnih invalida, članovi uže porodice poginulih, umrlih ili nestalih dobitnika ratnog priznanja ili

odlikovanja, članovi uže porodice umrlih demobiliziranih branilaca, civilne žrtve rata i članovi porodice civilne žrtve rata, koji imaju prebivalište ili boravište na području općine Maglaj kao i povratnici u Republiku Srpsku koji ostvaruju osnovna prava iz oblasti branilačko-invalidske zaštite i zaštite civilnih žrtava rata u Općini Maglaj i koji su na evidenciji nadležnog organa za vojne evidencije u općini Maglaj.

Član 3.

Pojmovi i definicije iz ovih Kriterija; dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca, član porodice umrlog ratnog vojnog invalida, član uže porodice dobitnika ratnog priznanja ili odlikovanja, član porodice umrlog demobiliziranog branioca, upotrijebljeni su u skladu sa Zakonom o pravima branilaca i članova njihovih porodica ("Službene novine Federacije Bosne i Hercegovine", broj: 33/04, 56/05, 70/07 i 9/10), Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije Bosne i Hercegovine", broj: 70/05, 61/06 i 9/10) i Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj: 1/14), a pojmovi i definicije iz ovih kriterija: civilna žrtva rata i član porodice civilne žrtve rata, upotrijebljeni su u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Federacije Bosne i Hercegovine", broj: 36/99, 45/04, 39/06 i 14/09) i Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona broj: 13/07).

Član 4.

Lica iz člana 2 ovih Kriterija, novčanu pomoć za plaćanje specijalističkih pregleda, operacija, troškova liječenja i nabavke lijekova, ortopedskih pomagala, plaćanje ogrijeva, socijalnu i zdravstvenu zaštitu i sl. mogu ostvariti pod uslovom da:

- imaju prebivalište ili boravište na području općine Maglaj (osim povratnika u RS),
- ostvaruju prava iz oblasti branilačko-invalidske zaštite i zaštite civilnih žrtava rata u Općini Maglaj,
- da nisu samostalni djelatnici,
- da ukupna primanja porodičnog domaćinstva (izuzev prihoda iz tačke b. ovog člana) ne prelaze iznos prosječne neto plaće isplaćene u Federaciji Bosne i Hercegovine u prethodnoj kalendarskoj godini, prema podacima Zavoda za statistiku Federacije Bosne i Hercegovine.

Član 5.

Zahtjev za novčanu pomoć po ovim Kriterijima podnosi se Službi za boračko-invalidsku i socijalnu zaštitu, opću upravu i društvene djelatnosti Općine Maglaj.

Uz zahtjev za dodjelu novčane pomoći zainteresovana lica prilažu slijedeću dokumentaciju:

- a. fotokopiju lične karte,
- b. fotokopiju rješenja o priznavanju svojstva ratnog vojnog invalida, odnosno člana porodice šehida, poginulog, umrlog, nestalog branioca ili umrlog ratnog vojnog invalida, o priznavanju prava na mjesečni novčani dodatak za dobitnike ratnog priznanja ili odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, uvjerenje nadležnog organa o periodu učešća u Oružanim snagama Bosne i Hercegovine, fotokopiju rješenja o priznavanju svojstva civilne žrtve rata odnosno o priznavanju prava na porodičnu invalidninu za članove porodice civilne žrtve rata,
- c. ovjerena izjava o zajedničkom domaćinstvu,
- d. dokaz o prihodima za sve punoljetne članova domaćinstva (uvjerenje o prosjeku plaće, uvjerenje o nezaposlenosti, kopiju rješenja o penzionisanju, ček od penzije i dr.),
- e. uvjerenje Porezne uprave,
- f. druge dokaze iz kojih se vidi opravdanost zahtjeva (medicinska dokumentacija ne starija od 6. mjeseci, računi i sl).

Sredstva po ovim Kriterijima ne mogu ostvariti osobe za koje se utvrdi da su u zahtjevu i priloženoj dokumentaciji prikrili ili dali netačne podatke ili dokumente.

Član 6.

U postupku po zahtjevu Služba za boračko-invalidsku i socijalnu zaštitu, opću upravu i društvene djelatnosti je dužna isti razmotriti, utvrditi kompletnost podnesene dokumentacije i zahtjevati otklanjanje uočenih nedostataka i eventualnu dopunu dokumentacije, izvršiti potrebne provjere, utvrditi opravdanost zahtjeva te shodno utvrđenom predložiti Općinskom načelniku odobravanje novčane pomoći ili odbijanje zahtjeva.

Općinski načelnik može interventno djelovati u odobravanju novčane pomoći za lica za koja smatra da su zahtjevi opravdani.

Član 7.

Odluku o dodjeli novčane pomoći u skladu sa ovim Kriterijima donosi Općinski načelnik na prijedlog Službe.

Novčana pomoć u skladu sa ovim Kriterijima, može se odobriti u iznosu do 200,00 KM, a istom licu može se odobriti najviše dva puta u toku budžetske 2015. godine.

Izuzetno, u slučaju naročito teške bolesti ili stanju izuzetne socijalne potrebe, novčana pomoć se može odobriti u iznosu većem od 200,00 KM a maksimalno u iznosu od 500,00 KM.

Član 8.

Na osnovu Odluke Općinskog načelnika, općinska Služba obavještava lica kojima su odobrena sredstva i istim se vrši isplata putem tekućih računa korisnika novčane pomoći.

Služba za boračko-invalidsku i socijalnu zaštitu, opću upravu i društvene djelatnosti dužna je voditi elektronsku evidenciju o dodjeljenim sredstvima branilačkim populacijama i civilnim žrtvama rata i članovima njihovih porodica po osnovu novčanih pomoći utvrđenih ovim Kriterijima.

Član 9.

Kriteriji stupaju na snagu danom donošenja i objavit će se u "Službenim novinama Općine Maglaj".

Broj: 01-41-6-308/15
Maglaj, 29.01.2015. godine

PRIPREMILA:

Služba za boračko-invalidsku i socijalnu zaštitu,
opću upravu i društvene djelatnosti Općine Maglaj

RUKOVODILAC SLUŽBE
POMOĆNIK OPĆINSKOG NAČELNIKA
mr. sc. Azra Čakrama

OPĆINSKI NAČELNIK
Mehmed Mustabašić, prof.

Na temelju člana 15. stav 1. alineja 8. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06), a u vezi sa članom 51. stav 2. f. 2. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 6. do 16. Zakona o državnoj službi u Federaciji Bosne i Hercegovine

("Službene novine Federacije Bosne i Hercegovine" broj: 29/03, 23/04, 39/04, 54/04, 67/05, i 8/06 i 4/12), članom člana 7. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj: 49/05), te na temelju Pravilnika o unutrašnjoj organizaciji Službi za upravu Općine Maglaj ("Službene novine Općine Maglaj" broj: 01/07, 07/08, 8/08, 3/11, 5/12, 2/13, 1/14 i 7/14), Općinski načelnik donosi

ODLUKU

o izmjeni i dopuni Pravilnika o unutrašnjoj organizaciji Službi za upravu Općine Maglaj

Član 1.

Donosi se Odluka o izmjeni i dopuni Pravilnika o unutrašnjoj organizaciji Službi za upravu Općine Maglaj ("Službene novine Općine Maglaj", broj: 01/07, 7/08, 8/08, 3/11, 5/12, 2/13, 1/14 i 7/14), u daljem tekstu Pravilnik, kako slijedi:

Član 2.

Na strani 4. Pravilnika u odredbi II-RUKOVOĐENJE OPĆINSKIM SLUŽBAMA iza člana 8. dodaje se **član 8.a** kojim se sistematizuje novo radno mjesto čiji naziv glasi:

Član 8. a

Sekretar općinskog organa uprave – (1) jedan izvršilac

Opis poslova:

- obavlja poslove od značaja za unutrašnju organizaciju i rad Općinskog organa uprave
- koordinira i usmjerava rad službi za upravu u cilju realiziranja poslova koji su utvrđeni u programima Općinskog organa uprave a ujedno rukovodi Službom Općinskog načelnika i Općinskog vijeća
- ostvaruje saradnju sa nadležnim organima u pitanjima koja se odnose na poslove od zajedničkog interesa, a koje obavljaju službe za upravu,
- obezbjeđuje sprovođenje i izvršenje svih poslova, naloga i zahtjeva koje mu povjeri općinski načelnik a koji se odnose na rad općinskog organa uprave,
- odlučuje o pitanjima za koja je ovlašten od strane općinskog načelnika,
- do nivoa i u skladu sa ovlaštenjima i nalogima koja na njega prenese općinski načelnik odgovara za korištenje matrijalnih potencijala i ljudskih resursa,

- ovlašten je za prenošenje pismenog i usmenih naloga općinskog načelnika pomoćnicima općinskog načelnika, po kojima su isti dužni postupiti,
- upoznaje općinskog načelnika o stanju i problemima u vršenju planiranih poslova te predlaže poduzimanje potrebnih mjera za rješavanje postojećih problema, i na taj način pomaže općinskom načelniku u rukovođenju
- odgovoran je za realizaciju programa rada općinskog organa uprave, a u skladu sa predloženim programima rada općinskih službi,
- izrađuje godišnji izvještaj o realizaciji programa rada općinskog organa uprave,
- obavlja i druge poslove koje mu odredi općinski načelnik
- sekretar općinskog organa uprave za svoj rad i upravljanje odgovara općinskom načelniku

Radno mjesto:

Rukovodeći državni službenik

Grupa u poslovima

Osnovne djelatnosti:

Stručno operativni

Složenost poslova:

Najsloženiji

Stepen školske spreme:

VSS

Vrsta školske spreme:

završen VII stepen stručne spreme- pravni fakultet, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova - pravne struke

Posebni uslovi:

položen stručni upravni ispit ili ispit općeg znanja, rada na računaru i položen vozački ispit "B" kategorije

Radni staž: 6 godina nakon stečene VSS

Broj izvršilaca: 1 izvršilac

Član 3.

Na strani 12. Pravilnika u Službi za privredu, finansije/finansije i razvoj poduzetništva, u Odjeljenju za lokalni razvoj, biznisa i poduzetništva, iza rednog broja 1. 6. dodaje se novo radno mjesto pod rednim brojem 1.6 a čiji naziv glasi:

da u Službi civilne zaštite umjesto radnog mjesta viši stručni saradnik za civilnu zaštitu treba da stoji:

1.6. a Referent za poljoprivredu

Opis poslova:

- obavlja administrativno tehničke poslove u koje spadaju:
- vođenje evidencije i staranje o dosijeima iz Registra poljoprivrednih gazdinstava i Registra klijenata,
- prati stanje i vodi evidenciju o dodjeli poticaja u poljoprivrednoj proizvodnji,
- prati stanje i vodi evidenciju o donacijama i poljoprivredi i vodoprivredi,
- učestvuje u izradi planskih akata iz oblasti poljoprivrede i izradi izvještaja iz oblasti poljoprivrede,
- prati i vodi evidenciju o stočnom fondu, poljoprivrednom zemljištu i zasađenim odnosno zasijanim poljoprivrednim kulturama za potrebe statistike,
- učestvuje u terenskom radu,
- obavlja i druge poslove iz oblasti poljoprivrede po nalogu rukovodioca službe.

Radno mjesto:

Namještenik

Grupa u poslovima

pomoćne djelatnosti:

Administrativno tehnički poslovi

Složenost poslova :

Jednostavni

Stepen školske spreme:SSS – IV stepen

Vrsta školske spreme:

Poljoprivredna tehnička ili druga SSS-IV Stepen

Posebni uslovi:

Položen stručni ispit

Radni staž:

mjeseci

6

Broj izvršilaca:

izvršilac

1

Član 4.

Na strani 39. Pravilnika o unutrašnjoj organizaciji Službi za upravu Općine Maglaj ("Službene novine Općine Maglaj" broj:01/07) i strani 4. Odluke o izmjeni i dopuni Pravilnika o unutrašnjoj organizaciji Službi za upravu Općine Maglaj broj: 01-49-1807/07 od 14. 07. 2007. godine, mijenja se naziv radnog mjesta pod rednim brojem 4.1 a. tako

4.1.a Stručni saradnik za civilnu zaštitu

Opis poslova:

- učestvuje u izradi programa rada Službe civilne zaštite i pomaže njegovo izvršenje i izvršenje programa rada općinskog načelnika iz nadležnosti Službe,
- učestvuje u izradi programa zaštite i spašavanja, plana zaštite spšavanja od prirodnih i drugih nesreća i drugih planova,
- koordinira i učestvuje u izradi i procjeni ugroženosti,
- pomaže rukovodiocu Službe u akcijama zaštite i spašavanja,
- daje upute za popunu struktura ljudstvom, MTS i opremom,
- učestvuje u provođenju odluka Općinskog načelnika i Općinskog vijeća iz nadležnosti Službe,
- učestvuje u pripremi i izradi materijala za Općinsko vijeće i Općinskog načelnika,
- izrađuje mjesečne i druge izvještaje o radu Službe,
- učestvuje u koordinaciji između Općine i nadležnih službi i institucija u vezi sa deminiranjem,
- obavlja i druge poslove iz nadležnosti Službe i po nalogu rukovodioca Službe i Općinskog načelnika.

Radno mjesto:

Državni službenik

Grupa u poslovima

Osnovne djelatnosti: Stručno operativni

Složenost poslova: Djelimično složeni

Stepen školske spreme: VSS

Vrsta školske spreme: Pravni fakultet - VII stepen, Fakultet zaštite na radu -VII stepen, ili prvi drugi ili treći ciklus Bolonjskog sistema studiranja koji se vrednuje sa najmanje 180 ECTS bodova pravne struke, ili struka zaštita na radu

Posebni uslovi: položen stručni ispit i poznavanje rada na računaru

Radni staž: 1 godina nakon stečene VSS

Broj izvršilaca: 1 izvršilac

Član 5.

Na strani 44. Pravilnika u Službi civilne zaštite- Odjeljenje profesionalne vatrogasne jedinice umjesto radnog mjesta pod rednim brojem 4.11. viši referent -vatrogasac vozač, sistematizuje se novo radno mjesto čiji naziv glasi:

4.11. referent –vatrogasac vozač - 4 izvršioca

Opis poslova:

- neposredno učestvuje u akcijama gašenja požara,
- učestvuje u provođenju mjera preventivne zaštite od požara,
- kontrolira ispravnost vozila i daje prijedlog za nabavku goriva i maziva,
- upravlja i rukuje motornim vozilom prilikom intervencija,
- učestvuje u održavanju javne rasvjete, mostova i dr.
- vrši odvoz i dovoz vatrogasnih aparata i opreme trećim licima radi servisiranja,
- vrši servisiranje vatrogasnih aparata,
- vrši kontrolu ispravnosti svih sredstava, sprava i opreme na vozilu i o tome vodi pisanu evidenciju,
- obavlja i druge poslove po nalogu Načelnika općine i rukovodioca Službe

Radno mjesto: Namještenik

Grupa u poslovima

pomoćne djelatnosti: Operativno tehnički

Složenost poslova: Djelimično složeni

Stepen školske spreme: SSS-III stepen

Vrsta školske spreme: Srednja stručna škola – III stepen

Posebni uslovi: Položen stručni ispit za vatrogasca i za rukovodioca akcije gašenja, vozač “C” kategorije

Radni staž: 1 godina

Broj izvršilaca: 4 izvršioca

Član 6.

Na strani 45. Pravilnika u Službi civilne zaštite- Odjeljenje profesionalne vatrogasne jedinice za radno mjesto pod rednim brojem 4.12. viši referent vatrogasac i na strani 5. tačka 18. Odluke o izmjeni i dopuni Pravilnika o unutrašnjoj organizaciji Službi za upravu Općine Maglaj broj:01-49-1807/07 od 14. 08. 2007.godine, sistematizuje se novo radno mjesto čiji naziv glasi:

4.12.a) Referent vatrogasac – 7 izvršilaca

Opis poslova

- neposredno učestvuje u akcijama gašenja požara ,
- učestvuje u provođenju mjera preventivne zaštite od požara,
- učestvuje u pranju i polijevanju ulica, mostova i sl.
- vrši odvoz i dovoz vatrogasnih aparata i opreme trećim licima radi servisiranja,
- vrši servisiranje vatrogasnih aparata,
- vrši kontrolu ispravnosti svih sredstava, sprava i opreme na vozilu i o tome vodi pisanu evidenciju,
- obavlja i druge poslove po nalogu Načelnika općine i rukovodioca službe.

Radno mjesto: Namještenik

Grupa u poslovima

pomoćne djelatnosti: Operativno tehnički

Složenost poslova: Jednostavni

Stepen školske spreme: SSS-III stepen

Vrsta školske spreme: Srednja stručna sprema– III il IV stepen

Posebni uslovi: Položen stručni ispit za vatrogasca i za rukovodioca akcije gašenja,

Radni staž: 1 godina

Broj izvršilaca: 7 izvršilaca

Član 7.

Na istoj strani Pravilnika mijenja se naziv radnog mjesta pod brojem 4.13. tako da umjesto viši referent –vatrogasac, serviser vatrogasnih aparata i automehaničar, novi naziv radnog mjesta glasi “**referent –vatrogasac, serviser vatrogasnih aparata i automehaničar**”, ostali dio vezano za opis poslova, grupa u poslovima pomoćne djelatnosti, složenost poslova, vrstu školske spreme, posebni uslovi i radni staž ostaju nepromijenjeni.

Član 8.

Na strani 46. tekstualnog dijela Pravilnika o unutrašnjoj organizaciji Službe civilne zaštite za radno mjesto pod rednim brojem 4.14. a u tabelarnom prikazu Pravilnika pod rednim brojem 14. mijenja se naziv radnog mjesta tako da umjesto viši referent vozač treba da stoji “ **referent –vozač**”- **1 izvršilac**, ostali dio vezano za opis poslova, grupa

u poslovima pomoćne djelatnosti, složenost poslova, vrstu školske spreme i potrebnih uslova ostaje nepromijenjen.

Član 9.

Na strani 2. Odluke o o izmjeni i dopuni Pravilnika o unutrašnjoj organizaciji Službi za upravu Općine Maglaj broj:01-49-1184/12 od 13. 06. 2012.godine za radno mjesto pod rednim brojem 3.11.a mijenja se naziv radnog mjesta tako da umjesto viši referent za rad na infošalteru treba da stoji **“referent za rad na infošalteru”**.

Član 10.

U skladu sa ovom Odlukom Općinski načelnik će primjenom odredaba Zakona o državnoj službi u Federaciji BiH i Zakona o namještenicima , u skladu sa potrebama službe izvršiti postavljenje državnih službenika odnosno namještenika.

Član 11.

Ova Odluka stupa na snagu danom donošenja i čini sastavni dio Pravilnika o unutrašnjoj organizaciji Službi za upravu Općine Maglaj, a objavit će se u “Službenim novinama Općine Maglaj“.

Broj: 01-49-682/15
Maglaj, 26. 02. 2015. godine

OPĆINSKI NAČELNIK
Mehmed Mustabašić, prof.

SADRŽAJ

AKTI OPĆINSKOG VIJEĆA

1.	ODLUKA o visini naknade članovima Općinske izborne komisije	2
2.	ODLUKA o utvrđivanju platnih razreda i koeficijenata za plaće, dodataka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj	2
3.	ODLUKA o kriterijima za dodjelu sredstava porodicama čiji su stambeni objekti uništeni usljed prirodne nesreće- klizišta	8
4.	ODLUKA o prosječnoj konačnoj građevinskoj cijeni 1m2 korisne stambene površine na području općine Maglaj	9
5.	ODLUKA o bratimljenju općine Altieylül u okrugu Balikesir u Republici Turskoj i općine Maglaj	10
6.	ODLUKA o raspisivanju referenduma za područje Mjesne zajednice Novi Šeher	10
7.	RJEŠENJE o imenovanju Komisije za provođenje referenduma u MZ Novi Šeher i utvrđivanju naknade za rad u postupku izdavanja Naseljenog mjesta Mladoševica iz sastava MZ Novi Šeher	11
8.	ODLUKA o raspisivanju referenduma za područje Mjesne zajednice Maglaj Grad.....	11
9.	RJEŠENJE o imenovanju Komisije za provođenje referenduma u MZ Maglaj Grad i utvrđivanju naknade za rad u postupku izdavanja Naseljenog mjesta Omerdino Polje iz sastava MZ Maglaj Grad	12
10.	ODLUKA o raspisivanju Javnog oglasa za popunu člana Općinske izborne komisije Maglaj ..	13
11.	ODLUKA o pristupanju izmjene Regulacionog plana "Misurići"	13
12.	ZAKLJUČAK o ispravci greške	14

AKTI OPĆINSKOG NAČELNIKA

1.	ODLUKA o izmjeni Odluke o rasporedu i isplati sredstava Budžeta Općine Maglaj za 2014. godinu, Pozicija „Finansiranje parlamentarnih grupa političkih stranaka“	16
2.	RJEŠENJE o imenovanju prestavnika Općine Maglaj u Komisiji za interni tehnički prijem	16
3.	KRITERIJI za utrošak sredstava iz Budžeta općine Maglaj za 2015. godinu sa transfera “Elementarne nužne životne potrebe lica i porodica u stanju socijalne potrebe kojima je usljed okolnosti (repatrijacije, migracije, elementarne nepogode, smrti jednog ili više članova porodice, bolesti, povratka sa liječenja i sl.) potreban odgovarajući oblik socijalne zaštite”	16
4.	KRITERIJI za utrošak sredstava iz Budžeta općine Maglaj za 2015. godinu sa transfera “Socijalna i zdravstvena zaštita, elementarne nužne životne potrebe raseljenih osoba i ostalog stanovništava na minimumu egzistencije”	18
5.	KRITERIJI za dodjelu sredstava iz Budžeta Općine Maglaj za 2015. godinu sa transfera „Transfer za stambeno zbrinjavanje socijalno ugroženih kategorija stanovništva ”	19
6.	KRITERIJI za utrošak sredstava iz Budžeta općine Maglaj za 2015. godinu sa transfera “Učešće Općine u projektima povratka, reintegracije , rekonstrukcije , održivog povratka za raseljena lica ”	21
7.	KRITERIJI za dodjelu sredstava iz Budžeta općine Maglaj za 2015. godinu sa transfera “Novčane pomoći za ugradnju doniranog materijala raseljenim osobama - prognanicima i izbjeglicama povratnicima ”	22
8.	KRITERIJI za dodjelu sredstava iz Budžeta Općine Maglaj za 2015. godinu sa transfera “Stambeno zbrinjavanje, sanacija i adaptacija stambenog prostora boračkih populacija”	23
9.	KRITERIJI za dodjelu sredstava iz Budžeta Općine Maglaj za 2015. godinu sa transfera “Plaćanje specijalističkih pregleda boračkih populacija i CZR , operacija, troškova liječenja i nabavke lijekova, ortopedskih pomagala, plaćanje ogrijeva, socijalna i zdravstvena zaštita i sl.”	26
10.	ODLUKA o izmjeni i dopuni Pravilnika o unutrašnjoj organizaciji Službi za upravu Općine Maglaj	28